

四庫全書

史部

欽定四庫全書

史部

資治通鑑卷八十九

詳校官編修<sub>臣</sub>范來宗

洗馬<sub>臣</sub>王坦修覆勘

總校官知縣<sub>臣</sub>楊懋珩

校對官知縣<sub>臣</sub>蔡必昌

謄錄監生<sub>臣</sub>鄒世俊

欽定四庫全書

資治通鑑卷七十九

宋司馬光撰

胡三省音註

晉紀一

起旃蒙作噩重玄默執徐凡八年司馬氏河內溫縣人宣王懿得魏政傳景王師至文

主昭始封晉公以溫縣本晉地故以為國號

世祖武皇帝上之

諱炎字安世姓司馬氏宣王

廟號太祖故帝廟號世祖諡法克定稱亂曰武

泰始元年

是年十二月方受禪改元此猶是魏咸熙二年

春三月吳主使光祿

大夫紀陟五官中郎將洪瑒

瑒渠尤翻

與徐紹孫或偕來報

聘

紹或聘吳見上卷上年

紹行至濡須有言紹譽中國之美者

音譽

余

吳主怒追還殺之夏四月吳改元甘露

時因蔣陵言甘露降

元改

五月魏帝加丈王殊禮

謂旌旗車馬樂舞冕服皆如帝者之儀

進王

妃曰后世子曰太子

癸未大赦

秋七月吳主逼殺

景皇后遷景帝四子於吳尋又殺其長者二人

吳主眈景后封

四第事見上卷上年長知兩翻

八月辛卯丈王卒太子嗣為相國晉

王九月乙未大赦

戊子以魏司徒何曾為晉丞相

癸亥以票騎將軍司馬望為司徒

票匹妙翻  
騎奇寄翻

乙亥葬

文王于崇陽陵

考異曰晉書文紀作癸酉今從魏志陳留王紀

冬吳西陵

督步闡

西陵即夷陵吳主權黃武元年改夷陵曰西陵宜都郡治焉

表請吳主徙都

武昌吳主從之使御史大夫丁固右將軍諸葛靚守建

業

靚疾  
正翻

闡騭之子也

吳主權時騭為西陵督騭之日翻

十二月壬戌

魏帝禪位于晉

魏元帝時年二十困敦上章魏文帝始受漢禪傳五世歷四十六年而亡

甲

子出舍于金墉城

金墉城在洛陽城西北角

太傅司馬孚拜辭執帝

手流涕歔歔不自勝

歔音虛歔音希又許既翻勝音升

曰臣死之日固

大魏之純臣也丙寅王即皇帝位大赦改元

至是方改元泰始

丁卯奉魏帝為陳留王即宮于鄴

即就也

優崇之禮皆倣

魏初故事

見六十九卷魏文帝黃初元年

魏氏諸王皆降為侯追尊宣

王為宣皇帝景王為景皇帝文王為文皇帝尊王太后

曰皇太后封皇叔祖孚為安平王叔父幹為平原王亮

為扶風王佖為東莞王駿為汝陰王彤為梁王倫為琅

邪王弟攸為齊王鑑為樂安王機為燕王又封羣從司

徒望等十七人皆為王

望孚之子也帝封諸王以郡為國邑二萬戶為大國置上中下

三軍兵五千人萬戶為次國置上軍下軍兵三千人五千戶為小國置一軍兵五百人王不之國官於京師伯音曹從才用翻莞音官以石苞為大司馬鄭冲為太傅

王祥為太保何曾為太尉賈充為車騎將軍王沈為驃

騎將軍

騎奇寄翻沈持林翻驃匹妙翻

其餘文武增位進爵有差乙亥

以安平王孚為太宰都督中外諸軍事

晉志曰太宰太傅太保周之三

公官也晉初以景帝諱故又採周官官名置太宰以代太師之任秩增三師與太傅太保皆為上公大司馬古官也漢制以冠大將軍驃騎將軍之上以代太尉之職故恒與太尉迭置不並列及魏有太尉而大司馬大將軍各自為官位在三司上晉因其制以太宰太傅太保司徒司空為文官公左右光祿大夫光祿大夫開府者

位從公冠進賢三梁黑介幘大司馬大將軍太尉為武  
官公驃騎車騎衛將軍伏波撫軍都護鎮軍中軍四征  
四鎮龍驤典軍上軍輔國等大將軍未幾幾居又以車  
間府者位從公皆著武冠平上黑幘

騎將軍陳騫為大將軍與司徒義陽王望司空荀顗凡

八公同時並置帝懲魏氏孤立之敝故大封宗室授以

職任又詔諸王皆得自選國中長吏長知衛將軍齊王

攸獨不敢皆令上請掌翻詔除魏宗室禁錮罷部曲

將及長吏納質任魏防禁宗室甚峻又錮不得仕進今

皆留質任於京師今亦帝承魏氏刻薄奢侈之後矯

罷之將即亮翻質音致



以仁儉太常丞許竒允之子也

晉太常光祿勳衛尉太僕廷尉大鴻臚宗正大

司農少府將作大匠太后三卿大長秋皆為列卿各置丞功曹主簿五官等員帝將有事於太

廟朝議以竒父受誅

竒父允誅事見七十六卷高貴鄉公正元元年朝直進翻

不宜

接近左右

近其靳翻

請出為外官帝乃追述允之宿望稱竒

之才擢為祠部郎

魏尚書曹有祠部郎晉因之

有司言御牛青絲紉

斷

紉直忍翻索也牛系也禮迎牲君執紉周禮封人祭祀飾其牛牲置其絛注曰絛著牛鼻繩所以牽牛者

今人謂之雉疏曰自漢以前皆謂之絛案禮記少儀牛則執紉紉則絛之別名今亦謂之為紉陸德明曰絛與

紉同又以忍翻又周禮釋音羊晉翻

詔以青麻代之

初置諫官以散騎

常侍傳玄皇甫陶為之

秦漢以來有諫大夫鄭昌所謂官以諫為名者也東漢有諫議

大夫魏不復置晉以散騎常侍拾遺補闕即諫官職也

玄幹之子也

傳幹漢傳

玄

以魏末士風頹敝上疏曰臣聞先王之御天下教化隆

於上清議行於下近者魏武好法術而天下貴刑名

呼好

到魏文慕通達而天下賤守節其後綱維不攝

攝整也

放

誕盈朝

謂何晏阮藉輩也朝直遙翺

遂使天下無復清議陛下龍興

受禪弘堯舜之化惟未舉清遠有禮之臣以敦風節未

退虛鄙之士以懲不恪臣是以猶敢有言上嘉納其言

使玄草詔進之然亦不能革也 初漢征西將軍司馬

鈞

鈞事見五十卷漢安帝元初二年

生豫章太守量量生潁川太守雋

雋生京兆尹防防生宣帝

序司馬氏之世為下立廟張本

二年春正月丁亥即用魏廟祭征西府君以下并景帝

凡七室

沈約志曰晉初祭征西將軍豫章府君潁川府君京兆府君與宣皇帝景皇帝文皇帝為三昭

三穆是時宣皇未升太祖虛位所以祠六世與景帝為七廟其禮則據王肅說也

尊景帝夫

人羊氏曰景皇后居弘訓宮 丙午立皇后弘農楊氏

后魏通事郎文宗之女也

魏黃初初中書既置監令又置通事郎

羣臣

奏五帝即天帝也王氣時異故名號有五自今明堂南

郊宜除五帝座從之帝王肅外孫也故郊祀之禮有司

多從肅議

周禮曰祀昊天上帝則服大裘而冕祀五帝亦如之鄭玄以為昊天上帝者天皇大帝北

辰耀魄寶也五帝者五行精氣之神也曰青帝靈威仰曰赤帝赤熛怒曰黃帝含樞紐曰白帝白招矩曰黑帝

汁光紀由是有六天之說六天者指其尊極清虛之體其實是一論其五時生育之功其別有五故為六天據

其在上之體謂之天天為體稱故說天云天顛也因其生育之功謂之帝帝為德稱故毛詩傳云審諦如帝王

肅馭之以為五帝非天唯用家語之文謂太皞炎帝黃帝少皞顓頊五帝為五人帝晉羣臣祖肅之說以為五

帝即天帝王氣時異故殊其號雖五其實一神明堂南郊宜除五帝之座五郊改五精之號同稱昊天上帝從

之王于

二月除漢宗室禁錮

魏既代漢禁錮諸劉今除之

三月

吳遣大鴻臚張儼五官中郎將丁忠來弔祭

以文王之喪也臚陵

如

吳散騎常侍王蕃體氣高亮不能承顏順指吳主

不悅散騎常侍萬彧中書丞陳聲從而譖之

散悉賣翻騎奇寄翻

丁忠使還

使疏吏翻還從宜翻又如字

吳主大會羣臣蕃沈醉頓伏

沈持林翻下王沈同

吳主疑其詐舉蕃出外

舉羊如翻

頃之召還蕃好

治威儀

好呼到翻治直之翻

行止自若吳主大怒呵左右於殿下

斬之出登來山

水經注武昌城南有來山即樊山也吳孫皓登之使親近擲王蕃首而虎爭之

使親近擲蕃首作虎跳狼爭咋齧之

跳它弔翻咋側革翻咬也齧魚結翻

也首皆碎壞丁忠說吳主曰北方無守戰之備弋陽可

襲而取

弋陽縣漢屬汝南郡魏文帝分立弋陽郡說輸芮翻

吳主以問羣臣鎮西

大將軍陸凱曰北方新并巴蜀遣使求和非求援於我

也欲蓄力以俟時耳敵執方彊而欲徼幸求勝未見其

利也

徼工翻

吳主雖不出兵然遂與晉絕凱遜之族子也

夏五月壬子博陵元公王沈卒

沈持林翻

六月丙午晦

日有食之

文帝之喪臣民皆從權制三日除服既葬

帝亦除之然猶素冠䟽食

食祥  
吏翻

哀毀如居喪者秋八月

帝將謁崇陽陵羣臣奏言秋暑未平恐帝悲感摧傷帝

曰朕得奉瞻山陵體氣自佳耳又詔曰漢文不使天下

盡哀亦帝王至謙之志

漢文帝遺詔見十五卷後七年  
真德秀曰文帝此詔乃短喪之

始也然本文蓋為吏民設耳景  
帝嗣君也可緣此而短其喪乎當見山陵何心無服其

議以衰經從行

衰七  
回翻

羣臣自依舊制尚書令裴秀奏曰

陛下既除而復服義無所依若君服而臣不服亦未之

敢安也詔曰患情不能跂及耳衣服何在

言患哀慕之  
情不至耳不

在乎衣服也。跂去智翻。舉踵也。

諸君勤勤之至，豈苟相違？遂止中軍將

軍羊祜謂傅玄曰：「三年之喪，雖貴，遂服禮也。」

三年之喪，自天子達

于庶人言。雖以天子之貴，亦得以遂其孝思為三年之服。

今主上至孝，雖奪其服，實

行喪禮。若因此復先王之法，不亦善乎？玄曰：「以日易月，

已數百年。」

以日易月，漢儒之謬說也。注見十五卷漢文帝後七年。

一旦復古，難行

也。祜曰：「不能使天下如禮，且使主上遂服，不猶愈乎？」玄

曰：「主上不除而天下除之，此為但有父子，無復君臣也。」

乃止。戊辰，羣臣奏請易服。復膳詔曰：「每感念幽冥而不



得終苴經之禮

左傳齊晏桓子卒晏嬰廬練苴經帶杜預注云苴麻之有子者取其廬也苴七

翻

以為沈痛

沈持林翻深也

況當食稻衣錦乎

衣於翻

適足激切

其心非所以相解也朕本諸生家傳禮來久何至一旦  
便易此情於所天相從已多可試省孔子答宰我之言

論語宰我問三年之喪暮已久矣君子三年不為禮禮必壞三年不為樂樂必崩舊穀既沒新穀既升暮可已矣孔子曰食夫稻衣夫錦於女安乎曰安孔子曰女安則為之宰我出孔子曰予之不仁也子生三年然後免於父母之懷夫三年之喪天下之通喪也儀禮曰父者子之天省悉景翻

無事紛紜也遂以

疏素終三年

臣光曰三年之喪自天子達於庶人此先王禮經百

世不易者也漢文師心不學變古壞禮壞音怪絕父子

之恩虧君臣之義後世帝王不能篤於哀戚之情而

羣臣諂諛莫肯釐正

釐力之翻理也

至于晉武獨以天性矯

而行之可謂不世之賢君而裴傳之徒固陋庸臣習

常玩故而不能將順其美惜哉

孝經曰君子之事上也將順其美匡救其

惡注云將奉也

吳改元寶鼎

以所在得大鼎改元

吳主以陸凱為左丞相萬歲

為右丞相吳主惡人視已羣臣侍見莫敢舉目

惡音烏路翻見

音賢通翻

陸凱曰君臣無不相識之道若猝有不虞不知所

赴吳主乃聽凱自視而它人如故

唯凱得視之它人仍舊不得視也

吳

主居武昌揚州之民汴流供給甚苦之

吳武昌屬荊州而丹陽宣城毗

陵吳吳興會稽東陽新都臨海建安豫章臨川都陽廬陵皆屬揚州故苦於西上汴流以供給

又奢侈

無度公私窮匱凱上疏曰今四邊無事當務養民豐財

而更窮奢極欲無災而民命盡無為而國財空臣竊憂

之昔漢室既衰三家鼎立今曹劉失道皆為晉有此目

前之明驗也臣愚但為陛下惜國家耳武昌土地危險

堦确

堦泰昔翻土薄也确音克角翻山多大石也

非王者之都且童謠云寧

飲建業水不食武昌魚寧還建業死不止武昌居

此苦於汙

流供給而為是謠也

以此觀之足明人心與天意矣今國無一年

之蓄

禮記王制國無六年之蓄曰急無三年之蓄曰國非其國也況無一年之蓄乎

民有離散

之怨國有露根之漸

以木為喻也木之所以能生殖者以有根本也根漸露則其本將撥

而官吏務為苛急莫之或恤大帝時後宮列女及諸織

絡數不滿百景帝以來乃有千數此耗財之甚也又左

右之臣率非其人羣黨相扶害忠隱賢此皆蠹政病民

者也臣願陛下省息百役罷去苛擾料出宮女

去荒呂  
翻料音

聊清選百官則天悅民附國家永安矣吳主雖不悅以

其宿望特優容之

考異曰陳壽曰予連從荆揚來者  
得凱所諫皓二十事博問吳人多云

不聞凱有此表又按其文殊甚切直恐非皓之所能容  
悲也或以為凱藏之篋笥未敢宣行病困皓遣董朝省  
問欲言因以付之虛實難明故不著于篇然愛其  
指摘皓事足為後戒故鈔列于凱傳左今不取

九

月詔自今雖詔有所欲及已奏得可而於事不便者皆

不可隱情

既不可希指迎合又不  
可以遂事而不諫也

戊戌有司奏大晉

受禪於魏宜一用前代正朔服色如虞遵唐故事從之

家語季康子問於孔子曰唐虞二帝其所尚何色孔子曰堯以火德王色尚黃舜以土德王色尚青董仲舒策引孔子曰無為而治者其舜乎改正朔易服色以順天命而已其餘盡循堯道何更為哉如二說則舜之承堯固改正朔易服色矣然考之古文尚書堯命羲和歷象日月星辰敬授人時舜正月上日受終于文祖協時月正日而已不言改正朔也易大傳曰黃帝堯舜垂衣裳而天下治書益稷帝曰予欲觀古人之象以五采彰施于五色作服而已不言易服色也漢興六歷有黃帝歷顓頊歷夏歷殷歷周歷魯歷無堯舜歷豈堯舜時用顓頊歷邪孔穎達以為古之真歷至戰國及秦而亡漢初所存六歷後人託而為之此固無從考正也冬

十月丙午朔日有食之

考異曰宋書志無此食今從晉書

永安山賊

施但

吳錄曰永安今武康縣也沈約曰吳分烏程餘抗立永安縣晉武帝太康元年更名武康屬吳興郡

宋白曰

永安縣本漢烏程縣之餘不鄉

因民勞怨聚衆數千人劫吳主庶

弟永安侯謙作亂北至建業衆萬餘人未至三十里住

擇吉日入城遣使以謙命名丁固諸葛靚固靚斬其使

發兵逆戰於牛屯

據吳歷牛屯去建業城二十一里靚疾正翻

但兵皆無甲

胄即時敗散謙獨坐車中生獲之固不敢殺以狀白吳

主吳主并其母及弟俊皆殺之初望氣者云荊州有王

氣當破揚州

王于况翻

故吳主徙都武昌及但反自以為得

計遣數百人鼓譟入建業殺但妻子云天子使荊州兵  
來破揚州賊 十一月初并圓丘方丘之祀於南北郊

鄭氏注禮記為高必因丘陵謂冬至祭天於圓丘之上  
為下必因川澤謂夏至祭地於方澤之中而四郊之祭  
又在同丘方澤之外魏景初元年始營洛陽南委粟山  
為圓丘以冬至祭皇皇帝天於圓丘夏至祭皇皇后地  
於方丘而天郊所祭曰皇天之神地郊所祭曰皇地之  
祇今以二至之祀合於二郊是後圓丘方澤不別立

罷山陽國督軍除其禁制

魏奉漢獻帝為山陽公國  
於河內山陽縣之濁鹿城

置督軍以防衛之至晉時帝孫康嗣立  
人心去漢久矣故罷其衛兵除其禁制

十二月吳主

還都建業

考異曰吳志陸凱傳或曰寶鼎元年十二  
月凱與丁奉丁固謀因皓謁廟欲廢皓立孫



休子時左將軍留平領兵先驅故密語平平拒而不許  
誓以不泄是以不果按凱盡忠執義必不為此事況皓  
殘酷猜忌留平庸人若聞凱謀  
必不能不泄殆虛語耳今不取  
使后父衛將軍錄尚書

事滕牧留鎮武昌朝士以牧尊戚頗推令諫爭  
爭讀滕

后之寵由是漸衰更遣牧居蒼梧雖爵位不奪其實遷

也在道以憂死何太后常保佑滕后太史又言中宮不

可易吳主信巫覡

在女曰巫在男曰覡刑狄翻

故得不廢常供養升

平宮

皓尊其母何太后宮曰升平宮供居用翻養羊尚翻

不復進見

見賢通翻

諸姬佩

皇后璽綬者甚衆滕后受朝賀表䟽而已

璽斯氏翻綬音弗朝直遙

吳主使黃門徧行州郡料取將吏家女行戶孟翻其

二千石大臣子女歲歲言名年十五六一簡閱簡閱不

中乃得出嫁仲竹翻後宮以千數而採擇無已

三年春正月丁卯立子衷為皇太子為惠帝亡詔以近

世每立太子必有赦漢高帝為漢王立太子赦有罪文

子始大赦天下元帝立太子復賜民爵光武立太子強

赦天下其後立太子陽及明章立太子皆不赦魏文明

率病篤然後立太子尋今世運將平當示之以好惡好

而踐阼有赦故革之

烏路翻使百姓絕多幸之望曲惠小人朕無取焉遂不

赦

司隸校尉上黨李憲

憲許記翻又讀曰憲

劾故立進令劉友

前尚書山濤中山王睦尚書僕射武陵各占官稻田

戶劾

舉翻

又戶得翻陔柯開翻占之瞻翻

請免濤睦等官陔已亡請貶其謚詔

曰友侵剝百姓以繆惑朝士其考竟以懲邪佞濤等不

貳其過皆勿有所問憲亢志在公當官而行

憲與喜同又音憲亢

與抗同口浪翻

可謂邦之司直矣

詩鄭國風羔裘之辭

光武有云貴戚且

歛手以避二鮑

事見四十二年建武十一年

其申敕羣僚各慎所司

寬宥之恩不可數遇也

數所角翻

睦宣帝之弟子也

臣光曰政之大本在於刑賞刑賞不明政何以成晉武帝赦山濤而褒李憲其於刑賞兩失之使憲所言為是則濤不可赦所言為非則憲不足褒褒之使言言而不用怨結於下威玩於上將安用之且四臣同罪劉友伏誅而濤等不問避貴施賤可謂政乎創業之初而政本不立將以垂統後世不亦難乎

帝以李憲為太子太傅徵掾為李密為太子洗馬

牀居言翻

洗馬自漢以來有之晉職官志太子洗馬職為謁者祕書掌圖書釋奠講經則掌其事出則直者前驅導威儀

洗漢書作先如淳曰先驅也國語越王密以祖母老

句踐親為夫差先馬先一作洗音悉薦翻

固辭許之密所以辭者以旁無兼侍祖母與孫相依為命故也

密與人交每公議

其得失而切責之常言吾獨立於世顧影無儔然而不懼者以無彼此於人故也 吳大赦以右丞相萬彧鎮

巴丘

夏六月吳主作昭明宮

晉太康地記曰昭明宮方五百丈吳歷曰昭明

宮在太初宮之東

二千石以下皆自入山督伐木大開苑囿起

土山樓觀窮極伎巧

觀古玩翻伎渠綺翻

功役之費以億萬計陸

凱諫不聽中書丞華覈上疏曰

華戶化翻覈戶革翻上時掌翻

漢文之

世九州晏然賈誼獨以為如抱火厝於積薪之下而寢

其上

事見十四卷  
漢文帝六年

今大敵據九州之地有大半之衆欲

與國家為相吞之計非徒漢之淮南濟北而已也

禮子  
禮翻

比於賈誼之世孰為緩急今倉庫空匱編戶失業而北

方積穀養民專心東向

自洛進師而造江濱自蜀  
下兵而臨荆楚皆東向也

又交

趾淪沒嶺表動搖

事見上卷  
魏元帝咸熙元年

胷背有嫌首尾多難

乃國朝之厄會也若舍此急務盡力功作卒有風塵不

虞之變

難乃旦翻  
舍讀曰捨卒讀曰猝

當委版築而應烽燧驅怨民而

赴白刃此乃大敵所因以為資者也時吳俗奢侈覈又

上疏曰今事多而役繁民貧而俗奢百工作無用之器

婦人為綺靡之飾轉相倣效耻獨無有兵民之家猶復

逐俗

言下至兵民之家亦隨俗好而事奢侈也復扶又翻

內無甌石之儲

應劭曰齊人名

小甌曰甌受二斛晉灼曰石斗石也師古曰甌音都濫翻

而出有綾綺之服上無尊

卑等級之差下有耗財費力之損求其富給庸可得乎

吳主皆不聽

秋七月王祥以睢陵公罷

睢音雖

九月

甲申詔增吏俸

俸扶用翻

以何曾為太保義陽王望為太

尉荀顗為司徒

顗魚豈翻

禁星氣識緯之學

星為星者氣望氣者東漢

以來有識緯之學

吳主以孟仁守丞相奉法駕東迎其父文

帝神於明陵

明陵在吳興烏程縣沈約曰孫皓改葬其父於烏程西山曰明陵

中使相

繼奉問起居巫覡言見文帝被服顏色如平生

覡刑狄翻被皮

義翻

吳主悲喜迎拜於東門之外

建業城東門也

既入廟比七日

三祭設諸倡伎晝夜娛樂

比毗寐翻倡音昌樂音洛

是歲遣鮮卑

拓跋沙漠汗歸其國

沙漠汗入質見七十七卷魏元帝景元二年汗音寒

四年春正月丙戌賈充等上所刊修律令

充等所刊修就漢律九章



增十一篇合二十篇六百二十條其不入律者悉以  
為令施行凡律令合二千九百二十六條上時掌翻帝

親自臨講使尚書郎裴楷執讀

考異曰刑法志云泰始三年事畢表上今從

武紀裴楷傳云文帝時詔楷於御前執讀今從刑法志

楷秀之從弟也

從才用翻

侍中

盧珽

玼它鼎翻

中書侍郎范陽張華請抄新律死罪條目

楚抄

交翻膳寫也

懸之亭傳以示民從之

傳株懸翻

又詔河南尹杜預

為黜陟之課預奏古者黜陟擬議於心不泥於法

泥乃計翻

末世不能紀遠而專求密微疑心而信耳目疑耳目而

信簡書簡書愈繁官方愈偽

方術也言為官之方術也

魏氏考課即

京房之遺意

劉劭考課法其畧見七十  
三卷魏明帝景初元年

其文可謂至密

然失於苛細以違本體故歷代不能通也豈若申唐堯

之舊制取大捨小去密就簡俾之易從也

易以鼓翻  
下難易

夫

曲盡物理神而明之存乎其人去人而任法則以文傷

理莫若委任達官各考所統

達官顯官也居一官之  
長其事得專達於上

歲

第其人言其優劣如此六載

載子亥  
翻年也

主者總集採案其

言六優者超擢六劣者廢免

六優謂六載俱優  
六劣謂六載俱劣

優多劣

少者平叙劣多優少者左遷其間所對不鈞品有難易

主者固當準量輕重微加降殺

量音良殺所戒翻

不足曲以法

盡也其有優劣徇情不叶公論者當委監司隨而彈之

監古銜翻監司御史司隸及諸州刺史也彈唐千翻劾也抨也

若令上下公相容過此

為清議大類雖有考課之法亦無益也事竟不行 丁

亥帝耕籍田於洛水之北 戊子大赦 二月吳主以

左御史大夫丁固為司徒右御史大夫孟仁為司空

吳錄

曰孟仁本名宗避皓字易焉

三月戊子皇太后王氏殂帝居喪之

制一遵古禮 夏四月戊戌睢陵元公王祥卒門無雜

弔之賓其族孫戎歎曰太保當正始之世不在能言之

流及閒與之言理致清遠豈非以德掩其言乎

正始所謂能言

者何平叔數人也魏轉而為晉何益於世哉王祥所以可尚者孝於後母與不拜晉王耳君子猶謂其任人柱石而傾人棟梁也理致清遠言乎德乎清

已亥葬文

明皇后有司又奏既虞除衰服

葬日虞遇柔日再虞而三虞用剛日三虞必反

而行之鄭氏曰虞安神之祭也骨肉歸于土氣則無所不之孝子為其彷徨故三祭以安之詔曰受

終身之愛而無數年之報情所不忍也有司固請詔曰

惠在不能篤孝勿以毀傷為憂前代禮典質文不同何

必限以近制使達喪闕然乎

達喪猶通喪也

羣臣請不已乃許

之然猶素冠疏食以終三年如文帝之喪 秋七月衆

星西流如雨而隕 已卯帝謁崇陽陵 九月青徐兗

豫四州大水

青州統齊國濟南樂安城陽東萊徐州統彭城下邳東海琅邪廣陵臨淮兗州統陳

留濮陽濟陰高平任城東平濟北泰山豫州統潁川汝南襄城汝陰梁國沛縣魯弋陽安豐晉志曰青州取土

居少陽其色青為名徐州取舒緩之義兗端也信也又云取兗水以名州豫者舒也言稟中和之氣性理安舒

也大司馬石苞久在淮南威惠甚著

魏高貴鄉公甘露三年平諸葛誕苞

代鎮淮南至淮北監軍王琛惡之

監古衙翻惡烏路翻

密表苞與

吳人交通會吳人將入寇苞築壘遏水以自固帝疑之

羊祜深為帝言苞必不然

為于偽翻

帝不信乃下詔以苞不

料賊執築壘遏水勞擾百姓策免其官

考異曰晉書武紀及苞傳皆

無苞免官年月蕭方等三十國春秋杜延業晉春秋置在此今從之苞傳又云敦琅邪王伋自下邳會壽春按

武紀伋明年二月乃鎮下邳遣義陽王望帥大軍以徵

之帥讀

苞辟河內孫鑠為掾

掾俞絹翻

鑠先與汝陰王駿善

駿時鎮許昌鑠過見之駿知臺已遣軍襲苞私告之曰

無與於禍

與讀口預

鑠既出馳詣壽春勸苞放兵步出都亭

待罪

壽春都亭也

苞從之帝聞之意解苞詣闕以樂陵公還

第 吳主出東關冬十月使其將施績入江夏萬或寇

襄陽

夏戶雅翻或於六翻曰晉帝紀作郁今從吳志

考異

詔義陽王望統中軍

步騎二萬屯龍陂

龍陂即摩陂更名見七十卷魏明帝青龍元年

為二方聲

援會荊州刺史胡烈拒績破之望引兵還 吳交州刺

史劉俊大都督修則

姓譜元冥之佐有修氏漢有屯騎校尉修炳

將軍顧容

前後三攻交趾交趾太守楊稷皆拒破之鬱林九真皆

附於稷稷遣將軍毛晃董元攻合浦戰于古城

古城蓋合浦郡

古城也。是古通。翻又古惠翻。

大破吳兵，殺劉俊修，則餘兵散還合浦。

稷表是為鬱林太守，元為九真太守。十一月，吳丁奉

諸葛靚出芍陂，攻合肥。

靚疾正翻。芍音鵠。

安東將軍汝陰王駿

拒却之。

以義陽王望為大司馬，荀顗為太尉。

顗魚豈翻。

石

苞為司徒。

五年春正月，吳王立子瑾為皇太子。二月，分雍涼梁

州置秦州。

晉志曰：雍州，以其四山之地，故以雍名焉。亦謂西北之位，陽所不及，陰陽氣雍闕也。統京

兆，馮翊扶風安定北地新平始平涼州，以其地處西方，常寒涼也。統金城西平武威張掖西郡燉煌酒泉西海。



梁州以西方金剛之氣彊梁也統漢中梓潼廣漢新都涪陵巴西巴東秦州統隴西南安天水略陽武都陰平

郡等以胡烈為刺史先是鄧艾納鮮卑降者數萬

先悉薦  
翻降戶

江翻置於雍涼之間與民雜居朝廷恐其久而為患以

烈素著名於西方故使鎮撫之

此河西  
鮮卑也

青徐兗三州

大水帝有滅吳之志壬寅以尚書左僕射羊祜都督

荊州諸軍事鎮襄陽征東大將軍衛瓘都督青州諸軍

事鎮臨菑鎮東大將軍東莞王佃都督徐州諸軍事鎮

下邳祜綏懷遠近甚得江漢之心與吳人開布大信降

者欲去皆聽之

降戶江翻

減戍邏之卒

邏郎佐翻

以墾田八百餘

頃其始至也軍無百日之糧及其季年乃有十年之積

祐在軍常輕裘緩帶身不披甲

被皮義翻

鈴閣之下侍衛不

過十數人

鈴下卒及閣下威儀也鈴下者有使令則掣鈴以呼之因以為名閣下威儀掌出入贊導

及納謁受事

濟陰太守巴西文立

濟子禮翻守式又翻

上言故蜀之

名臣子孫流徙中國者宜量才叙用

量音良

以慰巴蜀之

心以傾吳人之望帝從之

考異曰立傳載此表在遷太子中庶子後按泰始七年

立舉卻說時猶為濟陰太守於今未為庶子也若諸葛京署吏不因立表則京先已署吏立不當更云宜量才

叙用也

乙未詔曰諸葛亮在蜀盡其心力其子瞻臨難而

死義

事見七十八卷魏元帝景元四年難乃旦翻

其孫京宜隨才署吏又詔

曰蜀將傅僉父子死於其主

傅彤死見六十九卷魏文帝黃初三年傅僉死與諸

葛瞻同年

天下之善一也豈由彼此以為異哉僉息著募沒

入奚官

息子也著與募二子之名也少府有奚官令凡男女沒入者屬焉魏以來鄴都又有奚官督

宜免為庶人 帝以文立為散騎常侍漢故尚書掾為

程瓊雅有德業

魏居言翻

與立深交帝聞其名以問立對曰

臣至知其人但年垂八十稟性謙退無復當時之望

言其

意望不求聞達於當時也故不以上聞耳瓊聞之曰廣休可謂不黨

矣

文立字廣休論語曰君子不黨

此吾所以善夫人也 秋九月有星

孛于紫宮

李蒲內翻

冬十月吳大赦改元建衡 封皇子

景度為城陽王 初汝南何定嘗為吳大帝給使及吳

主即位自表先帝舊人求還內侍吳主以為樓下都尉

典知酤糴事遂專為威福吳主信任之委以衆事左丞

相陸凱面責定曰卿見前後事主不忠傾亂國政寧有

得以壽終者邪何以專為姦邪塵穢天聽宜自改厲不

然方見卿有不測之禍定大恨之凱竭心公家忠懇內

發表疏皆指事不飾

皆指實事不為文飾也

及疾病吳主遣中書

令董朝問所欲言凱陳何定不可信用宜授以外任奚

熙小吏建起浦里塘亦不可聽

吳主休之時嚴密嘗建此議熙蓋祖其說姚

信樓玄賀邵張悌郭連

連較角翻又勅畧翻

薛瑩滕修及族弟喜

抗或清白忠勤或資才卓茂皆社稷之良輔願陛下重

留神思

思相吏翻

訪以時務使各盡其忠拾遺萬一邵齊之

孫

賀齊為吳主權將

瑩綜之子玄沛人修南陽人也凱尋卒吳

主素銜其切直

有所恨怒蓄而不發者為銜

且日聞何定之譖久之

竟徙凱家於建安

吳主遣監軍虞汜

汜音祀

威南將軍

薛翊

翊况羽翻

蒼梧太守丹陽陶璜從荊州道監軍李勗督

軍徐存從建安海道

從荊州道踰嶺而入交廣也從建安海道汎海而南也沈約曰建安

本闕越秦立為閩中郡漢虛其地後立為冶縣屬會稽郡後分治地為會稽東南二部都尉東部臨海是也南

部建安是也吳主休永安三年分南部立為建安郡宋白曰孫策於建安十二年分東候官之地立建安縣即

以年號為名

皆會於合浦以擊交趾十二月有司奏東宮

施敬二傳其儀不同

晉制太子太傅中二千石太子先拜諸傅然後答之時

未置詹事官事大小皆由二傳

帝曰夫崇敬師傅所以尊道重教也何

言臣不臣乎

臣不臣盖有司所奏之言

其令太子申拜禮

六年春正月吳丁奉入渦口

水經渦水首受河南陽武縣蕩蕩渠東南至下邳淮

陵縣入淮謂之渦口渦音戈

考異曰吳志丁奉傳建衡元年攻晉穀陽晉帝紀不載奉傳不言入渦口疑是

一 揚州刺史牽弘擊走之

吳萬彧自巴丘還建業

夏四月吳左大司馬施績卒以鎮軍大將軍陸抗都督

信陵西陵夷道樂鄉公安諸軍事治樂鄉

水經注樂鄉城在南平郡

之孱陵縣江水逕其北江水又東逕公安縣北宋白曰樂鄉者春秋鄰國之地其城陸抗所築在松滋縣界晉

地理志信陵縣屬建平郡沈約曰疑是吳立水經注曰江水自夔城而東逕信陵縣南又東過夷陵縣南夷陵即西陵也樂鄉城在今江陵府松滋縣東樂鄉城北江中有砂磧對岸踏淺可渡江津要害之地也抗以

吳主政事多闕上疏曰臣聞德均則衆者勝寡力侔則安者制危此六國所以并於秦西楚所以屈於漢也今敵之所據非特關右之地鴻溝以西而國家外無連衡之援內非西楚之彊庶政陵遲黎民未乂議者所恃徒以長江峻山限帶封域此乃守國之末事非智者之所先也臣每念及此中夜撫枕臨餐忘食夫事君之義犯



而勿欺謹陳時宜十七條以聞

抗傳云十七條失本不載

吳主不納

李勗以建安道不利殺導將馮斐引軍還

將即亮翻

初何定

嘗為子求婚於勗勗不許乃白勗枉殺馮斐擅徹軍還

誅勗及徐存并其家屬仍焚勗尸定又使諸將各上御

犬

上時掌翻

一犬至直縑數十匹纓絰直錢一萬

絰私列以翻係也

捕兔供厨吳人皆歸罪於定而吳主以為忠勤賜爵列

侯陸抗上疏曰小人不明理道所見既淺雖使竭情盡

節猶不足任况其姦心素篤而憎愛移易哉吳主不從

六月戊午胡烈討鮮卑秃髮樹機能於萬斛堆

樹機能祖

壽聞之在孕也其母相掖氏因寢而產於被中鮮卑謂被為秃髮因而氏焉至南凉秃髮烏孤州樹機能之五世孫也萬斛堆在溫圍水東北安定郡高平縣界兵敗被殺都督雍凉州諸軍

事扶風王亮遣將軍劉旂救之旂觀望不進亮坐貶為

平西將軍旂當斬亮上言節度之咎由亮而出乞丐其

死

丐居太翻貸其死命也

詔曰若罪不在旂當有所在乃免亮官

遣尚書樂陵石鑑行安西將軍都督秦州諸軍事

樂陵縣漢

屬平原郡後分屬樂陵國討樹機能樹機能兵盛鑑使秦州刺史杜

預出兵擊之預以虜乘勝馬肥而官軍縣乏

縣讀曰懸

宜并

力大運芻糧須春進討鑑奏預稽乏軍興檄車徵詣廷

尉以贖論

時預以尚主在八議以候贖論

既而鑑討樹機能卒不能克

卒子恆翻

秋七月乙巳城陽王景度卒

丁未以汝陰王

駿為鎮西大將軍都督雍涼等州諸軍事鎮關中 冬

十一月立皇子東為汝南王 吳主從弟前將軍秀為

夏口督吳主惡之民間皆言秀當見圖

秀吳主權弟匡之孫從才用翻

惡烏路翻

會吳主遣何定將兵五千人獵夏口秀驚夜將妻

子親兵數百人來奔十二月拜秀票騎將軍開府儀同

三司封會稽公

厚其封賞以攜吳人  
票匹妙翻會工外翻

是歲吳大赦

初魏人居南匈奴五部於并州諸郡與中國民雜居

匈奴

奴自東漢以來分居并州諸郡魏但分其衆為五部耳  
事見六十七卷漢獻帝建安二十一年時左部所統可  
萬餘落居太原故茲氏縣右部可六千餘落居祁縣南  
部可三千餘落居蒲子縣北部可四千餘落居新興縣  
中部可六千餘  
落居大陵縣自謂其先漢氏外孫因改姓劉氏

初漢高帝

以女妻單于故自謂  
漢氏外孫冒姓劉氏

七年春正月匈奴右賢王劉猛叛出塞 豫州刺史石

鑑坐擊吳軍虛張首級詔曰鑑備大臣吾所取信而乃

下同為詐義得爾乎

爾猶言如此也

今遣歸田里終身不得復

用

復扶又翻

吳人刁玄詐增識文曰黃旗紫蓋見於東南

終有天下者荆揚之君

姓譜刁姓齊大夫豎刁之後子按豎刁安得有後漢書貨殖傳

有刁聞江表傳曰玄使蜀得司馬徽論運命歷數事因詐增其文以誑吳人見賢通翻

吳主信之

是月晦大舉兵出華里

華里在建業西

載太后皇后及後宮數

千人從牛渚西上

水經注牛渚在姑孰烏江兩縣界中今太平州當塗縣北三十里有牛渚

山山下有牛渚磯與和州橫江渡相對杜佑曰牛渚圻即今當塗縣采石

東觀令華覈等固

諫不聽

東觀令典校圖書及記述觀古玩翻華戶化翻數戶革翻

行遇大雪道途陷

壞兵士被甲持仗

被皮義翻

百人共引一車寒凍殆死皆曰

若遇敵便當倒戈

紂發兵與周武王會戰于牧野前徒倒戈攻其後以北

吳主聞

之乃還

還從宣翻又如字

帝遣義陽王望統中軍二萬騎三千

屯壽春以備之聞吳師退乃罷三月丙戌鉅鹿元公

裴秀卒夏四月吳交州刺史陶璜襲九真太守董元

殺之楊稷以其將王素代之

考異曰璜傳云出其不意徑至交趾按元乃九真

太守非交趾也華陽國志云元病亡楊稷更以王素代之按武帝紀四月九真太守董元為吳將虞汜所攻軍

敗死之則元非病亡蓋稷雖以素代元未至郡而元死也

北地胡寇金城涼州刺

史牽弘討之衆胡皆內叛與樹機能共圍弘於青山

續漢

志青山在北地郡參縣界賢曰青山在今慶州有青山水

弘軍敗而死

考異曰崔鴻十六

國春秋秃髮烏孤傳云其先樹機能本河西鮮卑秦始中殺秦州刺史胡烈斬涼州刺史牽弘晉帝紀叛虜殺胡烈北地胡殺牽弘皆不言鮮卑蓋言羣虜內初大司

叛則鮮卑亦在其中矣或北地胡即樹機能也馬陳騫言於帝曰胡烈牽弘皆勇而無謀彊於自用非

綏邊之材也將為國耻時弘為揚州刺史多不承順騫

命

時騫以大司馬都督揚州諸軍鎮壽春

帝以為騫與弘不協而毀之于

是徵弘既至尋復以為涼州刺史騫竊歎息以為必敗  
二人果失羌戎之和兵敗身沒征討連年僅而能定帝  
乃悔之 五月立皇子憲為城陽王 辛丑義陽成王

望卒 侍中尚書令車騎將軍賈充自文帝時寵任用

事帝之為太子充頗有力

事見七十七卷  
七十八卷魏紀

故益有寵於

帝充為人巧諂與太尉行太子太傅荀顗

晉志曰帝以  
儲副體尊命

諸公居二傳職以本位尊  
故或行或領顗魚豈翻

侍中中書監荀勗越騎校尉

安平馮統

安平縣前漢屬涿郡後漢屬安  
平國晉屬博陵郡統都感翻

相為黨友朝



野惡之

惡鳥路翻

帝問侍中裴楷以方今得失對曰陛下受

命四海承風所以未比德於堯舜者但以賈充之徒尚

在朝耳

朝直遙翻

宜引天下賢人與弘政道不宜示人以私

侍中樂安任愷河南尹潁川庾純皆與充不協充欲解

其近職

近職謂侍中任音壬

乃薦愷忠貞宜在東宮帝以愷為太

子少傅而侍中如故

晉志曰侍中任愷帝所親敬使領少傅蓋一時之制也觀此則充欲

以計疎愷

會樹機能寇亂秦雍

雍於用翻

帝以為憂愷曰宜得威

望重臣有智畧者以鎮撫之帝曰誰可者愷因薦充純

亦稱之秋七月癸酉以充為都督秦涼二州諸軍事侍

中車騎將軍如故

考異曰三十國春秋晉春秋充出並在八年二月按武帝紀充出在此

月蓋二春秋以太子納妃在八年二月致此誤也

充患之

吳大都督薛羽

羽

羽與陶璜等兵十萬共攻交趾城中糧盡援絕為吳所

陷虜揚稷毛晃等璜愛晃勇健欲活之晃謀殺璜璜乃

殺之修則之子允生剖其腹割其肝曰復能作賊不

不

否晃猶罵曰恨不殺汝孫皓汝父何死狗也

允父則為晃所殺見

上四年考異曰漢晉春秋曰初霍弋遣楊稷毛晃等戊交趾與之誓曰若賊圍城未百日而降者家屬誅若

過百日救兵不至而城沒者吾受其罪  
穰等守未百日糧盡乞降於璜不許而給糧使守諸將並諫璜曰霍氏已死不能救穰等必矣可須其日滿然後受降使彼得無罪而我取有義內訓吾民外懷鄰國不亦可乎  
穰等期訖糧盡救兵不至乃納之華陽國志則云穰等城破被囚穰歐血死是罵賊死二者相戾不可得合而晉陶璜傳兼載之按孫皓猜暴恐璜不敢以糧資敵今從華陽國志

獲之九真日南皆降於吳

降戶江翻

吳大赦以陶璜為交州

牧璜討降夷獠

獠魯皓翻

州境皆平

八月丙申城陽王憲

卒分益州南中四郡置寧州

寧州以建寧郡名州統建寧興古雲南永昌四

郡

九月吳司空孟仁卒

冬十月丁丑朔日有食之

考異曰宋書五行志有五月庚寅食無十月丁丑食  
晉書紀及天文志有十月丁丑食無五月庚寅食今從

晉書

十一月劉猛寇并州并州刺史劉欽擊破之

晉志并州

不以衡水為號又不以恒為稱而云并者以其在兩谷  
之間也統太原上黨西河樂平雁門新興按晉志所云  
以周禮并州鎮曰恒山春秋元命包曰營室流為并州分  
為衛國也賈充將之鎮公卿

錢於夕陽亭

賢曰夕陽亭在河南城西

充私問計於荀勗勗曰公為

宰相乃為一夫所制不亦鄙乎然是行也辭之實難獨  
有結婚太子可不辭而自留矣充曰然則孰可寄懷勗  
曰勗請言之因謂馮統曰賈公遠出吾等失執太子婚

尚未定何不勸帝納賈公之女乎統亦然之初帝將納

衛瓘女為太子妃充妻郭槐賂楊后左右使后說帝求

納其女帝曰衛公女有五可賈公女有五不可衛氏種

賢而多子美而長白

五可種賢一也多子二也美三也長四也白五也五不可以類推

說輸苕翻種章勇翻下同

賈氏種妬而少子醜而短黑后固以為請

荀顗荀勗馮統皆稱充女絕美且有才德帝遂從之留

充復居舊任

為賈氏亂晉張本

十二月以光祿大夫鄭袤為

司空袤固辭不受

袤音茂

是歲安樂思公劉禪卒

樂音洛

考異曰晉春秋云禪讓  
惠公今從王隱蜀記

吳以武昌都督廣陵范慎為

太尉右將軍司馬丁奉卒

據丁奉傳以救壽春之功拜  
左將軍誅孫綝拜大將軍加

左右都護共迎吳主皓遷右大司  
馬左軍師當書右大司馬左軍師

吳改明年元曰鳳

皇

以西苑言鳳  
皇集改元

八年春正月監軍何楨討劉猛屢破之潛以利誘其左

部帥李恪

左部五部之一  
也帥所類翻

恪殺猛以降

降戶  
江翻

二月辛

卯皇太子納賈妃妃年十五長於太子二歲

長知  
兩翻妬忌

多權詐太子嬖而畏之

嬖卑義翻  
又博計翻

壬辰安平獻王孚

卒年九十三孚性忠慎宣帝執政孚常自退損後逢廢

立之際未嘗預謀景文二帝以孚屬尊亦不敢逼孚於廢立

之際柔而能正事見七十六卷及帝即位恩禮尤重元

正元元年七十七卷景元元年

會詔孚乘輿上殿帝於阼階迎拜阼階東階主階也既

坐親奉觴上壽如家人禮帝每拜孚跪而止之孚雖見

尊寵不以為榮常有憂色臨終遺令曰有魏貞士河內

司馬孚字叔達不伊不周不夷不惠立身行道終始若

一當衣以時服歛以素棺衣於既翻詔賜東園溫明秘

飲力瞻翻

罷

服虔曰東園溫明形如方漆桶開一面漆畫之以鏡置其中以懸尸上大欽并蓋之師古曰東園署名也

屬少府其署主作此罷祕罷梓棺以凶罷故祕之

諸所施行皆依漢東平獻王

故事

見四十八卷漢章帝建初八年

其家遵享遺旨所給罷物一不施

用 帝與右將軍皇甫陶論事

秦始皇五年罷鎮軍將軍復置左右將軍姓譜左

傳宋有皇父充石公族也漢初有皇父驚自魯徙居茂陵改父為甫

陶與帝爭言散騎常

侍鄭徽表請罪之帝曰忠謹之言

謹多曩翻善言也

唯患不聞

徽越職妄奏豈朕之意遂免徽官

夏汶山白馬胡侵

掠諸種

漢武帝誅冉駹開汶山郡宣帝地節三年合於蜀郡蜀漢劉氏又立汶山郡白馬胡即白馬夷



也汶讀與崕同種章勇翻

益州刺史皇甫晏欲討之

益州統蜀惟為汶山漢嘉江陽

朱提越雋牂柯晉志曰益之為言阮言所

在之地險阨也亦曰疆壤益大故以名焉

郡何旅等

典學從事典學校及部諸郡大學掾漢諸川刺史有孝經師主監試經月令師主時節祭

祀魏晉合其職為典學從事

諫曰胡夷相殘固其常性未為大患今

盛夏出軍水潦將降必有疾疫宜須秋冬圖之晏不聽

胡康木子燒香言軍出必敗

康木子燒香胡人之名

晏以為沮衆

斬之軍至觀阪

水經注觀阪在都安縣晉書地理志都安縣屬汶山郡沈約曰都安縣蜀立宋

白曰永康軍導江縣蜀都安縣地沮在呂翻

牙門張弘等以汶山道險且畏

胡衆因夜作亂殺晏軍中驚擾兵曹從事犍為楊倉勒

兵力戰而死

自漢以來諸川有軍事則置兵曹從事犍居言翻

弘遂誣晏云率

已共反故殺之傳首京師晏主簿蜀郡何攀

州主簿錄閣下事省

文書郡主簿所職略同

方居母喪聞之詣洛證晏不反弘等縱兵

抄掠

抄楚交翻

廣漢主簿李毅言於太守弘農王濬曰皇甫

侯起自諸生何求而反且廣漢與成都密邇而統於梁

州者朝廷欲以制益州之衿領

漢廣漢郡治雒陽始二年分新都郡治雒而廣

漢郡治廣漢縣與成都相近衿衣系領衣要衿著項領處也

正防今日之變也今益

州有亂乃此郡之憂也張弘小豎衆所不與宜即時赴

討不可失也濬欲先上請

上時掌翻下先上同

殺曰殺主之賊為

惡尤大當不拘常制何請之有濬乃發兵討弘詔以濬

為益州刺史濬擊弘斬之夷三族

考異曰華陽國志弘殺晏在十年五月

武帝紀在今年六月按王濬請伐吳表云臣作船七年  
曰有朽敗濬再為益州刺史方受詔作船咸寧五年下

詔伐吳借使濬以其年上表則再為益州  
亦在泰始九年之前矣今從晉紀為定

封濬關內侯

初濬為羊祜參軍

晉制諸位從公為持節都督參軍六人

祜深知之祜兄

子暨白濬為人志大奢侈不可專任宜有以裁之祜曰

濬有大才將以濟其所欲必可用也更轉為車騎從事

中郎

祐為車騎將軍其屬有從事中郎秩比千石

濬在益州明立威信蠻夷

多歸附之俄遷大司農時帝與羊祜陰謀伐吳祜以為

伐吳宜藉上流之執密表留濬復為益州刺史使治水

軍

治直之翻

尋加龍驤將軍監益梁諸軍事

龍驤將軍之號始此驤思將翻

監工銜翻晉制方面之任資重者為都督諸軍事資望輕者為監軍事考異曰羊祜傳曰表留濬監益州諸

軍事加龍驤將軍按濬傳祐密表留濬重拜益州刺史又曰尋以謠言拜龍驤將軍監益梁諸軍事然則作刺

史與監軍自是二事也華陽國志又云咸寧四年濬遷大司農五年拜龍驤監益梁二州按是時羊祜已卒无

下可據

詔濬罷屯田軍大作舟艦

艦戶點翻

別駕何攀以為屯

田兵不過五六百人作船不能猝辦後者未成前者已

腐宜召諸郡兵合萬餘人造之歲終可成濬欲先上須

報

上時掌翻

攀曰朝廷猝聞召萬兵必不聽不如輒召

輒專也

設當見却功夫已成執不得止濬從之令攀典造舟艦

罷仗於是作大艦長百二十步

長直亮翻

受二千餘人以木

為城起樓櫓開四出門其上皆得馳馬往來

考異曰華陽國志

云咸寧二年三月濬受詔作船按濬表云作船七年則國志不可據也

時作船木枋蔽江

而下

枋芳廢翻說文曰削木札撲也字本作枋詳見辨誤

吳建平太守吳郡吾彥

建平郡漢南郡之巫縣吳主權分置宜都郡吳主休永安三年分宜都立建平郡領信陵興山枋歸沙渠四縣杜佑曰建平今巴東郡吳置建平郡於枋歸姓譜吾本已姓夏昆吾氏之後取流枋以白吳

主曰晉必有攻吳之計宜增建平兵以塞其衝要

塞悉則翻

吳主不從彥乃為鐵鎖斷江路

斷丁管翻為後王濬燒斷鎖張本

王濬

雖受中制募兵而無虎符廣漢太守敦煌張殷收濬從

事列上

殷徒門翻殷胡教翻上時掌翻

帝召殷還責曰何不密啟而便

收從事殷曰蜀漢絕遠劉備嘗用之矣輒收臣猶以為

輕帝善之 壬辰大赦 秋七月以賈充為司空侍中

尚書令領兵如故

充自文帝時統城外諸軍

充與侍中任愷皆為帝

所寵任充欲專名執而忌愷於是朝士各有所附

朝直逢翻

朋黨紛然帝知之召充愷宴于式乾殿而謂之曰朝廷

宜壹大臣當和充愷等各拜謝既而充愷以帝已知而

不責愈無所憚外相崇重內怨益深充乃薦愷為吏部

尚書愷侍觀轉希

既不為侍中則侍觀希矣

充因與荀勗馮紆承間

共譖之

問古苑翻

愷由是得罪廢於家

八月吳主徵昭武

將軍西陵督步闡闡世在西陵

自吳主權用步闡督西陵臨卒子協繼之闡協

也第猝被徵自以失職且懼有讒九月據城來降遣兄子

璣璿詣洛陽為任

璣璿皆協子降戶江翻璿如緣翻

詔以闡為都督西

陵諸軍事衛將軍開府儀同三司侍中領交州牧封宜

都公冬十月辛未朔日有食之敦煌太守尹璩卒

敦徒門翻璩求於翻

涼州刺史楊欣表敦煌令梁澄領太守功曹

宋質輒廢澄表議郎令狐豐為太守

考異曰晉春秋璩作據今從武紀

武紀云令狐豐廢澄自領郡事今從晉春秋

楊欣遣兵擊之為質所敗

敗補璩



吳陸抗聞步闡叛亟遣將軍左弈吾彥等討之帝

遣荊州刺史楊肇迎闡於西陵車騎將軍羊祜帥步軍

出江陵巴東監軍徐胤帥水軍擊建平以救闡

帥讀曰率

抗救西陵諸軍築嚴圍自赤谿至于故市

水經注江水出西陵峽東

南流逕故城洲北附岸洲頭曰郭洲長二里廣一里上有步闡故城方圓稱洲周迴畧滿故城洲上城周里

闡父隲所築也又東逕陸抗故城今峽州遠安縣在江北有孤山有陸抗故城有丹山時有赤氣意赤溪當出

於丹山故市即步隲故城所居內以圍闡外以禦晉兵

晝夜催切

切迫也

如敵已至衆甚苦之諸將諫曰今宜及

三軍之銳急攻闡比晉救至必可拔也

比必宋翻

何事於圍

以敝士民之力抗曰此城處執既固

處昌呂翻

糧穀又足且

凡備禦之具皆抗所宿規

抗先嘗督西陵

今反攻之不可猝拔

北兵至而無備表裏受難

難乃旦翻

何以禦之諸將皆欲攻

闡抗欲服衆心聽令一攻果無利圍備始合而羊祜兵

五萬至江陵諸將咸以抗不宜上

自樂鄉而西赴西陵為上上時掌翻抗

曰江陵城固兵足無可憂者假令敵得江陵必不能守

所損者小若晉據西陵則南山羣夷皆當擾動其患不

可量也乃自帥衆赴西陵

南山謂江南諸山羣夷所依阻量音良帥讀曰率

初

抗以江陵之北道路平易

易以鼓翻

敕江陵督張咸作大堰

遏水漸漬平土以絕寇叛

堰於扇翻今江陵有三海八堰引諸湖及沮漳之水注之

瀾漫數百里即作堰之故智也漸將廉翻

羊祜欲因所遏水以船運糧揚聲

將破堰以通步軍抗聞之使咸亟破之諸將皆惑屢諫

不聽祜至當陽聞堰敗乃改船以車運糧大費功力十

一月楊肇至西陵陸抗令公安督孫遵循南岸拒羊祜

防托南岸使祜軍不得渡而已

水軍督留慮拒徐胤

恐胤順流東下抗故以水軍拒之

自大將軍憑圍對肇

憑長圍以對之則  
彼為客我為主

將軍朱喬營都

督俞贊亡請肇

姓譜俞古善  
醫俞附之後

抗曰贊軍中舊吏知吾虛

實吾常慮夷兵素不簡練若敵攻圍必先此處

先悉  
薦翻

即

夜易夷兵皆以精兵守之明日肇果攻故夷兵處抗命

擊之矢石雨下肇衆死者相屬

屬之  
欲翻

十二月肇計屈夜

遁抗欲追之而慮步闡畜力伺間

問古  
覓翻

兵不足分于是

但鳴鼓戒衆若將追者肇衆兇懼悉解甲挺走

兇許拱  
翻恐懼

聲挺待鼎翻拔也  
挺走拔身而走也

抗使輕兵躡之肇兵大敗

躡尼  
翻

祐等

皆引軍還抗遂拔西陵誅闡及同謀將吏數十人皆夷

三族自餘所請赦者數萬口

元非同謀而脅從者請而赦之

東還樂鄉

貌無矜色謙冲如常吳主加抗都護

吳官有左右都護今加都護盡護諸

將羊祜坐貶平南將軍

征鎮安平四平最下車騎位次驃騎自此而下六等至四征祜

自車騎貶平南凡降十四號

楊肇免為庶人吳主既克西陵自謂得

天助志益張大使術士尚廣筮取天下

姓譚尚姓師尚父之後後漢有

高士尚子平

對曰吉庚子歲青蓋當入洛陽

其後吳亡皓入洛歲在庚子

吳主喜不修德政專為兼并之計

賈充與朝士宴飲

朝直遙翻 考異曰三十國春秋在十一月  
晉春秋在十月已巳恐皆非實故附于冬末  
河南尹庾

純醉與充爭言充曰父老不歸供養供居用翻卿為無

天地純曰高貴鄉公何在斤其弒充慙怒上表解職純

亦上表自劾詔免純官仍下五府正其臧否當時除賈充之外居

公位者有五故下五石苞以為純榮官忘親當除名齊

王攸等以為純於禮律未有違詔從攸議復以純為國

子祭酒帝初立國子學定置國子祭酒博士各一人助教十五人以教生徒吳主之游

華里也事見上右丞相萬彧與右大司馬丁奉左將軍

七年

留平密謀曰若至華里不歸社稷事重不得不自還吳

主頗聞之以或等舊臣隱忍不發是歲吳主因會以毒

酒飲或傳酒人私減之又飲留平飲於平覺之服它藥

以解得不死或自殺考異曰吳志孫皓傳云或被詆憂死今從江表傳平憂懣

月餘亦死漢音悶又音滿徙或子弟於廬陵初或請選忠清之

士以補近職吳主以大司農樓玄為宮下鎮主殿中事

吳舊事禁中主者自用親近玄正身帥衆帥讀曰率奉法而

行應對切直吳主浸不悅中書令領太子太傅賀邵上

疏諫曰自頃年以來朝列紛錯朝直遙翻真偽相貿貿音茂忠

良排墜信臣被害被皮義翻是以正士推方推方言利稜角而為圓也而

庸臣苟媚先意承指各希時趣先悉薦翻人執反理之評士

吐詭道之論詭違也異也遂使清流變濁忠臣結舌陛下處

九天之上隱百里之室管子曰堂上遠於百里處昌呂翻言出風靡令

行景從親洽寵媚之臣日聞順意之辭將謂此輩實賢

而天下已平也臣聞興國之君樂聞其過荒亂之主樂

聞其譽樂音洛譽音余或音如字聞其過者過日消而福臻聞其譽



者譽曰損而禍至陛下嚴刑法以禁直辭黜善士以逆

諫曰杯酒造次死生不保

造七利翻

仕者以退為幸居者以

出為福誠非所以保光洪緒熙隆逾化也何定本僕隸

小人身無行能

五行下孟翻

而陛下受其佞媚假以威福夫小

人求入必進奸利定間者妄興事役發江邊戍兵以驅

麋鹿老弱饑凍大小怨歎傳曰國之興也視民如赤子

其亡也以民為草芥

左傳曰陳逢滑曰國之興也視民如傷其亡也以民為土芥

今

法禁轉苛賦調益繁

調徒鈞翻

中官近臣所在興事而長吏

畏罪苦民求辦是以人力不堪家戶離散呼嗟之聲感

傷和氣今國無一年之儲家無經月之蓄而後宮之中

坐食者萬有餘人又北敵注目伺國盛衰何相吏翻長江之

限不可久恃苟我不能守一葦可杭也詩云誰謂河廣一葦杭之毛氏

曰抗渡也鄭玄曰言一葦加之則可以渡也願陛下豐基彊本割情從道則

成康之治興聖祖之祚隆矣治直也翻聖祖謂唐權吳主深恨之

於是左右共誣樓玄賀邵相逢晤共耳語大笑明史謗

訛政事俱被詰責訛山建翻送玄付廣州邵原復職既

而復徙玄於交趾竟殺之久之何定姦穢發聞亦伏誅

問音

羊祜歸自江陵務修德信以懷吳人每交兵刻

日方戰不為掩襲之計將帥有欲進譎計者輒飲以醇

酒使不得言

譎古兗翻  
飲於鵠翻

祜出軍行吳境刈穀為糧皆計

所侵送絹償之每會衆江沔遊獵常止晉地若禽獸先

為吳人所傷而為晉兵所得者皆送還之于是吳邊人

皆悅服

成伐吳之計者祜也凡其所為皆恭吳也正以  
陸抗對境無間可乘故為是耳若曰務修德信

則吾不知也

祜與陸抗對境使命常通抗遺祜酒祜飲之不

疑使疏吏翻

抗疾求藥於祜祜以成藥與之抗即服之

人多諫抗抗曰豈有醜人羊叔子哉羊祜字叔子抗告其邊

戎曰彼專為德我專為暴是不戰而自服也各保分界

而已分扶問翻無求細利吳主聞二境交和以詰抗抗曰一

邑一鄉不可以無信義况大國乎臣不如此正是彰其

德於祜無傷也吳主用諸將之謀數侵盜晉邊數所角翻陸

抗上疏曰昔有夏多罪而殷湯用師紂作淫虐而周武

授鉞湯數夏之罪曰有夏多罪天命殛之武王數紂之罪曰淫亂

苟無其時雖復大聖亦宜養威自保不可輕動也今不

務力農富國審官任能明黜陟任刑賞訓諸司以德諸司

謂百執事之人有司存者

撫百姓以仁而聽諸將徇名窮兵黷武動

費萬計士卒彫瘁

瘁秦醉翻

寇不為衰而我已大病矣今爭

帝王之資而昧十百之利此人臣之姦便非國家之良

策也昔齊魯三戰魯人再克而亡不旋踵何則大小之

勢異也

祖張儀說齊湣王之言而畧變其文

況今師所克獲不補所喪乎

吳主不從

喪息浪翻

羊祜不附結中朝權貴

朝直遙翻

荀勗馮統

之徒皆惡之從甥王衍嘗詣祐陳事

統都感翻惡烏路  
翻從才用翻下同

辭甚清辯祐不然之衍拂衣去祐顧謂賓客曰王夷甫

方當以盛名處大位然敗俗傷化必此人也

史言羊祐  
知人之鑑

為懷帝時王衍誤國亡身張本夷  
甫衍字也敗補過翻處昌呂翻

及攻江陵祐以軍法

將斬王戎衍戎之從弟也故二人皆憾之言論多毀祐  
時人為之語曰二王當國羊公無德

資治通鑑卷七十九

欽定四庫全書

資治通鑑卷八十

宋司馬光撰

胡三省音註

晉紀二

起昭陽大荒落盡屠維大淵獻凡七年

世祖武皇帝上之下

泰始九年春正月辛酉密陵元侯鄭袤卒

考異曰按本傳袤為司

空固辭久之見許以侯就第拜儀同三司而帝紀云司空鄭袤薨誤也

二月癸巳樂陵

武公石苞卒三月立皇子祗為東海王吳以陸抗

為大司馬荊州牧 夏四月戊辰朔日有食之 初鄧

艾之死

事見七十八卷魏元帝咸熙元年

人皆寬之而朝廷無為之辭

者

偽翻

及帝即位議郎敦煌段灼上疏曰

敦煌門翻

鄧艾心

懷至忠而荷反逆之名

荷下可翻

平定巴蜀而受三族之誅

艾性剛急矜功伐善不能協同朋類故莫肯理之臣竊

以為艾本屯田掌犢人

鄧艾本義陽棘陽人魏太祖破荊州徙汝南為農民養犢

寵

位已極功名已成七十老公復何所求

復扶又翻

正以劉禪

初降

降戶江翻

遠郡未附矯令承制權安社稷鍾會有悖逆



之心

忤蒲內翻  
又蒲沒翻

畏艾威名因其疑似構成其事艾被詔

書即遣彊兵束身就縛不敢顧望

被皮義翻

誠知奉見先帝

必無當死之理也會受誅之後艾官屬將吏愚戇相聚

自共追艾破壞檻車解其囚執

戇直降翻  
壞音怪

艾在困地狼

狽失據

狼前則跂其胡退則賣其尾  
欠一足二足相附而後能行

狼屬也生子或離則顛蹶故猝遽

謂之狼狽  
狽益翻

未嘗與腹心之人有平素之謀獨受腹背之

誅

腹在前背在後謂  
前後皆不免於誅

豈不哀哉陛下龍興闡弘大度謂

可聽艾歸葬舊墓還其田宅以平蜀之功繼封其後使

艾闇棺定謚死無所恨

謚神

則天下狗名之士思立功

之臣必投湯火樂為陛下死矣

樂音洛為于偽翻

帝善其言而

未能從會帝問給事中樊建以諸葛亮之治蜀

樊建故蜀臣治

直之翻

曰吾獨不得如亮者而臣之乎建稽首曰陛下知

鄧艾之寃而不能直

稽音啓

雖得亮得無如馮唐之言乎

言不能用也馮唐事見十四卷漢文帝十四年

帝笑曰卿言起我意乃以艾孫

朗為郎中

吳人多言祥瑞者吳主以問侍中韋昭昭

曰此家人筐篋中物耳

言祥瑞而謂之家人筐篋中物者蓋稱引國緯以言祥瑞之應

故謂其書為家  
人篋篋中物也

昭領左國史

吳有左右國史皆掌記述

吳主欲為其

父作紀

偽翻為于

昭曰文皇不登極位當為傳不當為紀

吳主

謚其父和曰文皇帝傳直戀翻

吳主不悅漸見責怒昭憂懼自陳衰老

求去侍史二官

侍史侍中及左國史也

不聽時有疾病醫藥監護

持之益恐

嚴工街翻

吳主飲羣臣酒

飲于禁翻

不問能否率以七

升為限至昭獨以茶代之後更見偏強

強其兩翻

又酒後常

使侍臣嘲弄公卿發摘私短以為歡

摘當作摘

時有愆失輒

見收縛至於誅戮昭以為外相毀傷內長尤恨

長丁丈翻今知

兩翻使羣臣不睦不為佳事故但難問經義而已難乃翻吳

主以為不奉詔命意不忠盡積前後嫌忿遂收昭付獄

昭因獄上辭辭獄辭也上時掌翻獻所著書冀以此求免而吳主

怪其書垢故垢塵也故舊也更被詰責被皮義翻詰去吉翻遂誅昭徙其

家於零陵五月以何曾領司徒六月乙未東海王

祗卒秋七月丁酉朔日有食之考異曰宋志無此食今從晉書

詔選公卿以下女備六宮有蔽匿者以不敬論以律不敬論罪

也采擇未畢權禁天下嫁娶帝使揚后擇之后惟取潔

白長大而捨其美者帝愛卞氏女欲留之后曰卞氏三

世后族

魏武帝卞后諡曰宣后弟秉生蘭及琳蘭孫女為高貴鄉公后琳女又為陳留王后凡三世

不可屈以卑位帝怒乃自擇之中選者以絳紗繫臂中

仲翻公卿之女為三夫人

孔穎達曰夫扶也言扶侍於王也

九嬪斷句二千

石將校女補良人以下

漢制後宮之號十有四等良人視八百石爵比庶長師古曰良

善也將即亮翻校戶放翻

九月吳主悉封其子弟為十一王王給三

千兵大赦

十一王史逸其名

是歲鄭冲以壽光公罷吳主愛

姬遣人至市奪民物司市中郎將陳聲素有寵於吳主

繩之以法姬嫫於吳主

嫫與訴同

吳主怒假它事燒鋸斷聲

頭投其身於四望之下

據晉書溫嶠傳嶠討蘇峻於石頭結壘於四望磯又據內史石

頭有四望山蓋山下有磯也斷丁管翻

十年春正月乙未日有食之 閏月癸酉壽光成公鄭

冲卒 丁亥詔曰近世以來多由內寵以登后妃

謂魏三祖

立卞郭毛為后

亂尊卑之序自今不得以妾媵為正嫡

媵以證翻

分幽州置平州

幽州言北方太陰幽冥也杜佑曰因幽都山為名山海經有幽都山今列北荒

統范陽燕北平上谷代遼西漢末公孫度自號平州牧今分昌黎遼東樂浪玄菟帶方五郡置平州

三

月癸亥日有食之 詔又取良家及小將吏女五千人

入宮選之母子號哭於宮中聲聞於外

將卽亮翻號戶刀翻問音問

夏四月己未臨淮康公荀顗卒

諡法溫柔好樂曰康顗魚豈翻

吳

左夫人王氏卒吳主哀念數月不出葬送甚盛時何氏

以太后故宗族驕橫

孟翻戶

吳主舅子何都貌類吳主民

間訛言吳主已死立者何都也會稽又訛言章安侯奮

當為天子奮母仲姬墓在豫章豫章太守張俊為之掃

除

掃糞掃也除芟除荆棘會古外翻為于偽翻

臨海太守奚熙

吳主休永安三年分會稽

東部都尉為臨海郡

與會稽太守郭誕書

會工外翻

非議國政誕但白

熙書不白妖言

妖言即前說言妖於焉翻

吳主怒收誕繫獄誕懼功

曹邵疇曰疇在明府何憂遂詣吏自列白

自列猶自陳也

疇廁

身本郡位極朝右

郡功曹位居郡朝之右朝直遙翻

以疇啗之語

疇祖本翻

啗達合翻疇聚語也

本非事實疾其醜聲不忍聞見欲含垢藏

疾

左傳曰川澤納汙山藪藏疾國君含垢

不彰之翰墨鎮躁歸靜使之自

息故誕屈其所是默以見從

謂誕從疇之說默而不白妖言也

此之為

愆實由於疇不敢逃死歸罪有司因自殺吳主乃免誕



死送付建安作船

宋白曰吳分侯官之地立建安縣又立曲郡都尉主謫徙之人作舟船

遣其舅三郡督何植收奚熙

江表傳作備海督蓋督臨海建安會稽三郡也熙

發兵自守其部曲殺熙送首建業又車裂張俊皆夷三

族并誅章安侯奮及其五子

考異曰江表傳曰張布女有寵於皓而死皓厚葬

之國人見葬太奢麗皆謂皓已死所葬者是也皓舅子何都頗狀似皓故民間訛言都代立臨海太守奚熙信

訛言舉兵欲還秣陵誅都都叔父植時為備海督擊殺熙夷三族訛言乃息又云奮末在章安徙還吳城禁錮

使男女不得通婚或年三十四十不得嫁娶奮上表乞自比禽獸使男女自相配偶皓大怒遣察戰齎藥賜奮

父子皆飲藥死裴松之按建衡二年至奮之死孫皓即位尚未久若奮未被疑之前男女年二十左右至奮死

時不得年三十四也若先已長大自失時未婚娶不由皓之禁綱矣此雖欲增皓之惡然非實理又吳志孫皓傳鳳凰三年會稽妖言奮為天子遂誅奚熙不言誅奮孫奮傳建衡二年左夫人王氏卒民間訛言遂誅奮及五子三十國晉春秋自皓納張布女至殺奮皆在天冊元年按奮若以建衡二年死不容至鳳凰三年會稽方有訛言不知奮死果在何年今因奚熙之死終言之

秋七月丙寅皇后楊氏

殂初帝以太子不慧恐不堪為嗣常密以訪后

常當作當

后

曰立子以長不以賢

春秋公羊傳之言長知兩翻

豈可動也鎮軍大

將軍胡奮女為貴嬪

晉制貴人夫人貴嬪是為三夫人皆金章紫綬嬪毗賓翻

有寵

於帝后疾篤恐帝立貴嬪為后致太子不安枕帝膝泣

曰枕職叔父駿女芷有德色言有德願陛下以備六宮

帝流涕許之 以前太常山濤為吏部尚書濤典選十

餘年帝受禪濤自吏部郎遷尚書居母喪復奪情起典選選息絹翻每一官缺輒擇才

資可為者啓擬數人才謂其才足以任資謂其資序當為者得詔旨有所

向然後顯奏之帝之所用或非舉首衆情不察以濤輕

重任意言之於帝帝益親愛之濤甄拔人物各為題目

而奏之時稱山公啓事甄稽延翻明也察也別也濤薦嵇紹於帝請

以為祕書郎晉制祕書屬官有承有郎帝發詔徵之紹以父康得

罪

事見七十八卷魏元帝景元三年

屏居私門欲辭不就

屏必郢翻

濤謂之

曰為君思之久矣天地四時猶有消息況於人乎

為手偽翻

下樹為人為同又蟹為同

紹乃應命帝以為秘書丞初東關之敗

事見

七十五卷魏郡陵厲公嘉平四年

文帝問僚屬曰近日之事誰任其咎

任音

安東司馬王儀修之子

王修見六十四卷漢獻帝建安八年

對曰責

在元帥

文帝時為安東將軍監諸軍

文帝怒曰司馬欲委罪孤邪引

出斬之儀子哀痛父非命隱居教授三徵七辟皆不就

徵詔召也辟公府及州郡辟也哀革侯翻

未嘗西向而坐

哀居城陽晉朝在洛陽故未嘗西向

廬於墓側旦夕攀柏悲號涕淚着樹

號戶刀翻  
著直略翻

樹為之

枯讀詩至哀哀父母生我劬勞

詩蓼莪之辭

未嘗不三復流

涕門人為之廢蓼莪

以哀悲慘故廢蓼莪之篇不敢講  
習三息暫翻復扶又翻蓼力竹翻

家貧計口而田度身而蠶

度徒洛翻

人或饋之不受助之不

聽諸生密為刈麥哀輒棄之遂不仕而終

臣光曰昔舜誅鯀而禹事舜不敢廢至公也嵇康王

儀死皆不以其罪二子不仕晉室可也嵇紹苟無蕩

陰之忠

蕩陰事見後八十五卷惠帝永興元年余謂  
蕩陰之難君子以嵇紹為忠於所事可也然

未足以塞天性之傷也蕩音湯 殆不免於君子之譏乎

吳大司馬陸抗疾病上疏曰西陵建平國之蕃表

蕃籬也表

外也謂二郡為蕃籬於外也

既處上流受敵二境

謂二郡之境西距巴夔北接魏興上

庸二面皆受敵也處昌呂翻

若敵汎舟順流星奔電邁非可恃援他

部以救倒縣也

縣讀曰懸

此乃社稷安危之機非徒封疆侵

陵小害也臣父遜昔在西垂上言西陵國之西門雖云

易守亦復易失

易失易也

若有不守非但失一郡荊州非吳

有也如其有虞當傾國爭之臣前乞屯精兵三萬而主

者循常未肯差赴

主者謂居本兵之職者也差初皆翻

自步闌以後

步闌反見

上卷八年

益更損耗今臣所統千里外禦彊對

彊對猶言彊敵也

內

懷百蠻而上下見兵財有數萬

見賢遍翻財與繞同

羸散日久難

以待變

羸倫為翻

臣愚以為諸王幼冲無用兵馬以防要務

謂十一王各給三千兵也

又黃門宦官開立占募兵民避役逋逃入

占

占章艷翻

乞持詔簡閱一切料出

料音聊

以補疆場受敵常

處使臣所部足滿八萬省息衆務并力備禦庶幾無虞

後居希翻

若其不然深可憂也臣死之後乞以西方為屬

陸抗

固知吳之將亡時就職分上  
言之耳屬之欲細下屬文同

及卒吳主使其子晏景玄

機雲分將其兵

將即亮翻

機雲皆善屬文名重於世初周魴

之子處膂力絕人不修細行鄉里患之

魴符方翻行下孟翻

處嘗

問父老曰今時和歲豐而人不樂何邪父老歎曰三害

不除何樂之有

樂音洛

處曰何謂也父老曰南山白額虎

長橋蛟

南山今湖秀以南諸山也長橋在今常州宜興縣

并子為三矣

子謂周處

處

曰若所患止此吾能除之乃入山求虎射殺之因投水

搏殺蛟遂從機雲受學篤志讀書砥節礪行比及暮年



州府交辟

射而亦翻行下孟翻比必寐翻

八月戊申葬元皇后于峻

陽陵帝及羣臣除喪即吉博士陳達議以為今時所行

漢帝權制太子無有國事自宜終服尚書杜預以為古

者天子諸侯三年之喪始同齊斬

謂齊哀斬衰之服其始自天子達於庶人

無以異也齊津夷翻

既葬除服諒闇以居心喪終制故周公不言

高宗服喪三年而云諒闇此服心喪之文也

周公作無逸曰其在

高宗作其即位乃或亮陰三年杜預遂引此言以為不服喪之證闇與陰同孔安國曰諒信也陰默也

叔

向不譏景王除喪而譏其宴樂已早明既葬應除而違

諒闇之節也

左傳晉荀躒如周葬穆后既葬除喪以文伯宴叔向曰王其不終乎吾聞之所樂必

卒焉今王樂憂若卒以憂不可謂終王一歲而有三年之喪二焉於是乎以喪賓宴樂憂甚矣三年之喪雖貴

遠服禮也王雖弗遂宴樂以早亦非禮也樂音洛

子之於禮存諸內而已禮非

玉帛之謂

論語孔子曰禮云禮云玉帛云乎哉

喪豈衰麻之謂乎

衰七回翻下同

太子出則撫軍守則監國

左傳晉大夫里克之言監古銜翻

不為無事

宜卒哭除衰麻

卒子恤翻

而以諒闇終三年帝從之

臣光曰規矩主於方圓然庸工無規矩則方圓不可

得而制也衰麻主於哀戚然庸人無衰麻則哀戚不

可得而勉也素冠之詩正為是矣

袁倉回翻詩素冠刺不能三年也為

于偽翻

杜預巧飾經傳以附人情辯則辯矣

傳直繼翻

臣謂

不若陳逵之言質略而敦實也

九月癸亥以大將軍陳騫為太尉杜預以孟津渡險

請建河橋於富平津

水經注孟津又曰富平津杜佑曰富平津在河陽縣南

議者

以為殷周所都歷聖賢而不作者必不可立故也

殷都河內

周都洛二代夾河建都

不立河橋故以為言預固請為之及橋成帝從百寮

臨會舉觴屬預曰

屬之欲翻

非君此橋不立對曰非陛下之

明臣亦無所施其巧 是歲邵陵厲公曹芳卒初芳之

廢遷金墉也

芳之廢也築宮于河內重門今言遷金墉蓋始廢之時自禁中遷于金墉後乃居于

河內

太宰中郎陳留范粲素服拜送

晉既受禪避景帝諱抹周官名置太

宰以代太師魏因漢制上公惟有太傅據粲傳自太宰從事中郎遷太宰中郎時未置太宰宰當作傅 哀

動左右遂稱疾不出陽狂不言

陽發見於外陰蔽伏於中凡人之作事外為是

形而內無其實者皆陽為之外若無所營而內潛經畫皆陰為之

寢所乘車足不履地

子孫有婚宦大事輒密諮焉合者則色無變不合則眠寢不安妻子以此知其旨子喬等三人並棄學業絕人

事

按晉書喬年二歲祖馨臨終撫其首曰恨不見汝成人因以所用硯與之至五歲祖母以告喬喬便執硯

涕泣九歲請學在同輩之中言無媒辭李銓常論揚雄才學優於劉向喬以為向定一代之書正羣籍之篇使雄當之故非所長遂著劉揚優劣論前後辟舉皆不就邑人臘日鹽斫其樹人有告者喬陽不開邑人愧而歸之喬曰卿節日取柴欲與父母相歡娛耳何以愧為嗚呼觀喬之學行如此則棄學業絕人事殆庶幾乎夷齊餓于首陽之下之意

侍疾家庭足不出邑里及帝即位詔以二千

石祿養病加賜帛百匹喬以父疾篤辭不敢受粲不言

凡三十六年年八十四終於所寢之車

自郃陵厲公之廢至是方二十

一年史因公卒而究言之

吳比三年大疫

比至翻

咸寧元年春正月戊午朔大赦改元 吳掘地得銀尺

上有刻文

吳志曰銀長一尺廣三分刻上有年月字

吳主大赦改元天冊

吳中書令賀邵中風不能言

仲竹

去職數月吳主疑其

詐收付酒藏掠考千數

藏祖亮

卒無一言乃燒鋸斷

其頭

卒子恤翻

徙其家屬於臨海又誅樓玄子孫

殺樓玄見

上卷泰始八年

夏六月鮮卑拓拔力微復遣其子沙漠汗入

貢

沙漠汗初入貢見七十八卷

將還幽州刺史衛瓘表

請留之又密以金賂其諸部大人離間之

為力微信請殺沙漠汗張

本間古  
苞翻

秋七月甲申晦日有食之 冬十二月丁亥

追尊宣帝廟曰高祖景帝曰世宗文帝曰太祖 大疫  
洛陽死者以萬數

二年春令狐豐卒弟宏繼立楊欣討斬之

豐自為敦煌太守見上卷

泰始  
八年

帝得疾甚劇及愈羣臣上壽詔曰每念疫氣死

亡者為之愴然豈以一身之休息忘百姓之艱難邪諸

上禮者皆絕之

為于偽翻  
上時掌翻

初齊王攸有寵於文帝每見

攸輒撫牀呼其小字曰此挑符座也幾為太子者數矣

事見七十八卷魏元帝咸熙臨終為帝叙漢淮南王魏  
元年幾居依翻數所角翻

陳思王事而泣漢文帝誅淮南厲王長魏文帝不能容陳思王植引此二事以戒切帝也執

攸手以授帝太后臨終亦流涕謂帝曰桃符性急而汝

為兄不慈我若不起必恐汝不能相容以是屬汝勿忘

我言及帝疾甚朝野皆屬意於攸屬之欲翻朝直遙翻攸妃賈充

之長女也充先娶李氏豐女也生二女長曰瑩為齊王攸妃長知而翻河南尹夏侯

和謂充曰卿二婿親疎等耳二婿謂攸及太子也立人當立德充

不容攸素惡荀勗及左衛將軍馮統傾陷勗乃使統說



帝曰惡鳥路翻純都陛下前日疾若不愈齊王為公卿

百姓所歸太子雖欲高讓其得免乎宜遣還藩以安社

稷帝陰納之乃徙扣為光祿勳奪充兵權充自文帝時領兵而

位遇無替吳施但之亂事見上卷或諧京下督孫楷

於吳主曰楷不時赴討懷兩端吳主數詰讓之徵為宮

下鎮驃騎將軍京下督鎮京口宮下鎮在建業楷孫韶之子數所角翻驃匹妙翻騎奇寄翻

楷自疑懼夏六月將妻子來奔拜車騎將軍封丹陽侯

秋七月吳人或言於吳主曰臨平湖自漢末歲塞臨平湖今

在臨安府仁和縣界有臨平鎮在臨安府城西北四十里歲荒蕪也音烏廢翻塞悉則翻下同長老

言此湖塞天下亂此湖開天下平近無故忽更開通此

天下當太平青蓋入洛之祥也

青蓋之占見上卷秦始皇八年

吳主以

問奉禁都尉歷陽陳訓

吳置奉禁都尉蓋以待奉宮禁為稱

對曰臣止能

望氣不能達湖之開塞退而告其友曰青蓋入洛者將

有銜璧之事非吉祥也或獻小石刻皇帝字云得於湖

邊吳主大赦改元天璽

璽斯氏翻

湘東太守張詠不出筭緡

吳主亮太平二年分長沙東部都尉立湘東郡

吳主就在所斬之狗首諸郡會

稽太守車浚公清有政績

會工外翻車姓出於田千秋車昌燕相

值郡早

饑表求振貸吳主以為收私恩遣使梟首

梟堅

尚書熊

睦微有所諫

黃帝有熊氏姓諧楚鬻熊之後此以名為氏者也

吳主以刀環撞

殺之身無完肌

史詳言吳主之昏虐撞直江翻

八月己亥以何曾為

太傅陳騫為大司馬賈充為太尉齊王攸為司空吳

歷陽山有七穿駢羅穿中黃赤俗謂之石印云石印封

發天下當太平歷陽長上言石印發

據吳志鄱陽上言歷陽山石文理成

字又江表傳曰歷陽縣有石山臨水高百丈其三十丈  
所有七穿駢羅今考晉志鄱陽郡無歷陽縣有歷陵縣

陽當作陵今饒州圖經亦載郡陽歷陵縣有石印山長知兩翻吳主遣使者以太牢祠

之使疏吏翻使者作高梯登其上以朱書石曰楚九州渚吳

九州都揚州士作天子四世治太平始還以聞吳主大

喜封其山神為王大赦改明年元曰天紀冬十月以

汝陰王駿為征西大將軍羊祜為征南大將軍皆開府

辟召儀同三司

此位從公也

祜上疏請伐吳

陸抗沒羊祜始抗疏請伐吳上

時掌翻曰先帝西平巴蜀

見七十八卷魏元帝景元四年

南和吳會

見七十八

卷魏元帝

庶幾海內得以休息而吳復背信

事見上卷泰始元年

幾居希翻  
昔蒲妹翻

使邊事更興夫期運雖天所授而功業必因

人而成不一大舉掃滅則兵役無時得息也蜀平之時

天下皆謂吳當并亡自是以來十有三年矣

景元四年  
蜀亡至是

十三年

夫謀之雖多決之欲獨凡以險阻得全者謂其執

均力敵耳若輕重不齊強弱異執雖有險阻不可保也

蜀之為國非不險也皆云一夫荷戟千人莫當

荷下  
可翻及

進兵之日曾無藩籬之限乘勝席卷徑至成都漢中諸

城皆鳥栖而不敢出

謂漢樂  
諸城也

非無戰心誠力不足以相

抗也及劉禪請降諸營堡索然俱散

索昔各翻

今江淮之險

不如劔閣孫皓之暴過於劉禪吳人之困甚於巴蜀而

大晉兵力盛於往時不於此際平壹四海而更阻兵相

守使天下困於征戍經歷盛衰不可長久也

謂兵將以盛壯之年

出戍經歷營陳至於衰老也

今若引梁益之兵水陸俱下

王濟唐彬統梁益兵

荆楚之衆進臨江陵

荆楚祐所統也

平南豫州直指夏口

胡奮為平

南將軍王戎為豫州刺史夏戶雅翻

徐揚青兗並會秣陵

徐揚王渾所統青兗琅邪王伉

統所以一隅之吳當天下之衆執分形散所備皆急巴漢

奇兵出其空虛一處傾壞則上下震蕩雖有智者不能

為吳謀矣

其後平吳皆如祐所規

吳緣江為國東西數千里所敵

者大無有寧息孫皓恣情任意與下多忌將疑於朝

即將

亮翻朝直遙翻

士困於野無有保世之計一定之心平常之日

猶懷去就兵臨之際必有應者終不能齊力致死已可

知也其俗急速不能持久弓弩戟楯不如中國唯有水

戰是其所便一入其境則長江非復所保還趣城池

七趣

翻喻

去長入短非吾敵也官軍縣進

縣請曰懸

人有致死之志

吳人內顧各有離散之心如此軍不踰時克可必矣帝

深納之而朝議方以秦涼為憂

謂樹機能未平也朝直遙翻

祜復表

曰

復扶又翻

吳平則胡自定但當速濟大功耳議者多有不

同賈充荀勗馮統尤以伐吳為不可祜歎曰天下不如

意事十常居七八天與不取豈非更事者恨於後時哉

言吳可取而不取機會一失經見其事者豈不有後時之恨更工衡翻

唯度支尚書杜預

魏制度支尚書度徒洛翻

中書令張華與帝意合贊成其計 丁卯

立皇后楊氏大赦后元皇后之從妹也

從才用翻

美而有婦



德帝初聘后后叔父玠

玠余招

上表曰自古一門二后未

有能全其宗者乞藏此表於宗廟異日如臣之言得以

免禍帝許之

玠雖有此表終不能以免禍

十二月以后父鎮軍將軍

駿為車騎將軍封臨晉侯

國號晉而封后父為臨晉侯不祥之徵也

尚書褚

碧郭奕皆表駿小器不可任社稷之重

碧離灼翻任音壬

帝不

從駿驕傲自得胡奮謂駿曰卿恃女更益豪邪歷觀前

世與天家婚未有不滅門者但早晚事耳駿曰卿女不

在天家乎

天子尊無二上故曰天家言其尊如天也

奮曰我女與卿女作婢

耳何能為損益乎

三年春正月丙子朔日有食之立皇子裕為始平王

庚寅裕卒三月平虜護軍文鴛督涼秦雍州諸軍討

樹機能破之諸胡二十萬口來降

雍於用翻  
降戶江翻

夏五月

吳將邵顗

顗魚豈翻  
紀作邵凱今從羊祐傳

考異曰武

夏祥帥衆七千餘人

來降

夏戶雅翻帥讀  
曰率降戶江翻

秋七月中山王睦坐招誘逋亡

賊為丹水縣侯

誘音  
酉

有星孛于紫宮

孛蒲  
內翻

衛將軍

楊珣等建議以為古者封建諸侯所以藩衛王室今諸

王公皆在京師非干城之義又異姓諸將居邊宜參以

親戚

考異曰職官志以為珽與荀勗以齊王攸有時望懼太子有後難故建此議使諸王之國帝初未

之察於是下詔議其制按勗傳有異議又時齊王不之國疑此說非實今不取帝乃詔諸王各

以戶邑多少為三等大國置三軍五千人次國二軍三

千人小國一軍一千一百人

時以平原汝南琅邪扶風齊為大國梁趙樂安燕安

平義陽為次國餘國為小國

諸王為都督者各徙其國使相近八月

癸亥徙扶風王亮為汝南王出為鎮南大將軍都督豫

州諸軍事琅邪王倫為趙王督鄴城守事勃海王輔為

太原王監并州諸軍事以東莞王佗在徐州徙封琅邪

王

莞音官  
佗音曹

汝陰王駿在關中徙封扶風王又徙太原王

顓為河間王汝南王東為南陽王輔孚之子顓孚之孫

也

顓魚  
容細

其無官者皆遣就國諸王公戀京師皆涕泣而

去又封皇子瑋為始平王允為濮陽王該為新都王遐

為清河王其異姓之臣有大功者皆封郡公郡侯封賈

充為魯郡公追封王沈為博陵郡公

沈特  
林細

徙封鉅平侯

羊祜為南城郡侯

時詔以泰山之南武陽牟南城梁父  
平陽五縣為南城郡羊祜本泰山南

城人也帝制公侯邑萬戶以上為大國五千戶以上為次國不滿五千戶為小國 祜固辭不受

祜每拜官爵常多避讓至心素著故特見申於分列之

外

見中謂許之辭爵其志獲中也分列謂分封列爵也

祜歷事二世

謂事文帝及帝也

職

典樞要凡謀議損益皆焚其草世莫得聞所進達之人

皆不知所由

謂人由祜薦引而進達不知其所由來也

常曰拜官公朝謝恩

私門吾所不敢也

朝直遙翻

兗豫徐青荆益梁七州大水

冬十二月吳夏口督孫慎入江夏汝南

江夏郡屬荆州汝南郡屬

豫州相去甚遠沈約宋志江夏太守治汝南縣木沙羨地晉末汝南郡民流寓夏口因立為汝南則此時江夏

郡未有汝南縣也無亦  
史追書乎夏戶雅翻

略千餘家而去詔遣侍臣詰羊

祐不追討之意

詰去吉翻

并欲移荊州祐曰江夏去襄陽八

百里比知賊問

比必寐翻

賊已去經日步軍安能追之勞師

以免責非臣志也昔魏武帝置都督類皆與州相近

如揚

州刺史治壽春都督揚州諸軍事亦治壽春之類近其新翻

以兵執好合惡離故也

好呼到翻  
惡烏路翻

疆場之間一彼一此慎守而已

左傳魯桓公曰疆場之間

慎守其一而  
備其不虞

若輒徙州賊出無常亦未知州之所宜據

也 是歲大司馬陳騫自揚州入朝

朝直逸翻

以高平公罷

吳主以會稽張儼多所譖白

會工外翻  
儼昌六翻

甚見寵任累

遷司直中郎將封侯其父為山陰縣卒

山陰縣屬  
會稽郡

知儼

不良上表曰若用儼為司直有罪乞不從坐吳主許之

儼表置彈曲二十人專糾司不灋

彈徒干翻

於是吏民各以

愛憎互相告訐獄犴盈溢

訐居謁翻  
野犬所以守故

犴音岸犴野犬也

謂犬為犴

上下囂然儼大為奸利驕奢暴橫

橫戶孟翻

事發父子

皆車裂衛瓘遣拓跋沙漠汗歸國

前年瓘表留沙漠汗  
讒間既行乃遣

歸

自沙漠汗入質

入質見七十七卷  
魏元帝景元二年質音致

力微可汗諸

子在側者多有寵及沙漠汗歸諸部大人共譖而殺之

既而力微疾篤烏桓主庫賢親近用事受衛瓘賂欲擾

動諸部乃礪斧於庭謂諸大人曰可汗恨汝曹讒殺太

子

此時鮮卑君長已有可汗之稱可今讀從刊入聲汗音寒

欲盡收汝曹長子殺之

長知兩翻

諸大人懼皆散走力微以憂卒時年一百四子悉

祿立

悉祿魏收魏書作悉鹿

其國遂衰初幽并二州皆與鮮卑接

東有務桓西有力微多為邊患衛瓘密以計間之

間古覓翻

務桓降而力微死

考異曰魏收後魏書鐵弗劉虎匈奴去卑之孫昭成四年死子務桓立



按昭成四年晉成帝咸康七年也務桓朝廷嘉瓘功封  
不應與瓘同時蓋二人皆名務桓耳

### 其弟為亭侯

四年春正月庚午朔日有食之 司馬督東平馬隆晉制

二衛前驅由基彊弩為三部司馬各置督沈約曰殿中  
司馬督晉武帝時殿中宿衛號曰三部司馬與殿中將  
軍分隸左 上言涼州刺史楊欣失羗戎之和必敗隆言

敗猶漢皇甫規之言馬賢蓋 夏六月欣與樹機能之  
懷才欲用故以此自顯耳

黨若羅拔能等戰于武威敗死 弘訓皇后羊氏殂景皇

后居弘 羊祜以病求入朝朝直 既至帝命乘輦入殿  
訓宮

不拜而坐祜面陳伐吳之計帝善之以祜病不宜數入

數所  
角翻

更遣張華就問籌策祜曰孫皓暴虐已甚於今可

不戰而克若皓不幸而沒吳人更立令主雖有百萬之

衆長江未可窺也將為後患矣華深然之祜曰成吾志

者子也帝欲使祜卧護諸將祜曰取吳不必臣行但既

平之後當勞聖慮耳功名之際臣不敢居若事了當有

所付授願審擇其人也

以東南壤界間遠  
當得人以鎮撫之

秋七月己

丑葬景獻皇后于峻平陵

即弘訓  
后也

司冀兗豫荆揚州

大水

司州即漢司隸校尉所部也漢司隸部察郡縣與州刺史同晉遂定名司州統河南滎陽弘農上洛

平陽河東汲郡河內廣平陽平魏郡頓丘冀州者亂則冀安弱則冀強荒則冀豐統趙國鉅鹿安平平原樂陵

勃海河間高陽博陵清河中山常山等郡國

螟傷稼

螟食苗心之蟲

詔問主者何以

佐百姓

主者謂左民及度支二曹也

度支尚書杜預上疏

度徒洛翻上時掌翻

以為今者水災東南尤劇宜救充豫等諸州留漢氏舊

陂繕以蓄水餘皆決瀝令饑者盡得魚菜螺蚌之饒

螺盧

戈翻蚌步項翻

此目下日給之益也水去之後滇淤之田

淤依據翻

畝收數鍾此又明年之益也典牧種牛有四萬五千餘

頭

晉志典牧令屬太僕種章勇翻

不供耕駕至有老不穿鼻者可分以

給民使及春耕種穀登之後責其租稅此又數年以後

之益也帝從之民賴其利

考異曰食貨志云咸寧三年杜預傳云四年按五行志

三年大水無蟲災四年螟今從預傳

預在尚書七年

秦始皇六年預自秦州刺史得罪歸拜度支

尚書至是七年矣

損益庶政不可勝數

勝音升

時人謂之杜武庫

言其無所不有也 九月以何曾為太宰辛巳以侍中

尚書令李胤為司徒 吳主忌勝已者侍中中書令張

尚絃之孫也

張絃事孫策孫權見漢獻帝紀

為人辯捷談論每出其表

吳主積以致恨後問孤飲酒可以方誰也方比尚曰陛下

有百觚之量吳主曰尚知孔丘不王而以孤方之孔叢子曰

趙平原君與孔子高飲強子高酒曰諺云堯飲千鍾孔子百觚子路嗑嗑尚飲十榼古之聖賢無不能飲子何

辭焉觚飲罷也受二升王于况翻因發怒收尚公卿已下百餘人詣宮

叩頭請尚罪得減死送建安作船尋就殺之考異曰三十國春

秋云岑昏等泥頭請代尚死尚得免死徙廣州今從尚傳參取環氏吳紀余觀尚之為人蓋以辯給得親近於孫皓而亦以辯給取怒請其死者必岑昏之徒三十國春秋所書蓋得其實

冬十月徵征

北大將軍衛瓘為尚書令是時朝野咸知太子昏愚不

堪為嗣璿每欲陳啓而未敢發會侍宴陵雲臺

陵雲臺魏文帝

所璿陽醉跪帝牀前曰臣欲有所啓帝曰公所言何邪

璿欲言而止者三因以手撫牀曰此座可惜帝意悟固

謬曰公真大醉邪璿於此不復有言帝悉召東宮官屬

為設宴會

復扶又翻為于偽翻下便為同

而密封尚書疑事令太子決

之賈妃大懼倩外人代對

倩七正翻假手於人也

多引古義給使

張泓曰太子不學陛下所知而答詔多引古義必責作

草主

言將責問作對草之主名也

更益譴負不如直以意對妃大喜

謂泓曰便為我好答富貴與汝共之

給使給東宮使令張泓蓋庸中之俊

俊者後為趙王倫拒齊王問於陽翟者必是人也

泓即具草令太子自寫帝省

之甚悅

省悉景翻

先以示瓘瓘大踧踖

踧子六翻踖子昔翻踧踖不自安貌

衆

人乃知瓘嘗有言也賈充密遣人語妃云衛瓘老奴幾

破汝家

為賈妃怨衛瓘張本語牛倨翻國春秋在泰始八年按瓘傳泰始初為青州刺史

考異曰三十

史徙幽州八年不得在京師瓘傳在遷司空後按帝紀太康三年賈充卒十二月瓘為司空故移在入為尚書

令下

吳人大田皖城

佃亭年翻治田也皖戶板翻

欲謀入寇都督揚

州諸軍事王渾遣揚州刺史應綽攻破之斬首五千級

焚其積穀百八十餘萬斛踐稻田四千餘頃毀船六百

餘艘

艘蘇刀翻

十一月辛巳太醫司馬程據獻雉頭裘

晉志

太醫屬宗正雉頭毛采炷雉集以為裘

帝焚之於殿前甲申敕內外敢有

獻奇技異服者罪之

記王制作淫聲異服奇技奇器以疑衆殺技渠絢翻

羊祜

疾篤舉杜預自代辛卯以預為鎮南大將軍都督荊州

諸軍事祜卒

卒子恤翻下同

帝哭之甚哀是日大寒涕淚霑須

鬢皆為冰祜遺令不得以南城侯印入樞

樞音舊

帝曰祜

固讓歷年身沒讓存

謂身沒而遺令讓侯印也

今聽復本封以彰高



美

祐本封鉅平侯

南州民間祐卒為之罷市巷哭聲相接

謂南州

州也為于偽翻下同

吳守邊將士亦為之泣祐好遊峴山

好呼到翻峴戶

典翻

襄陽人建碑立廟於其地歲時祭祀望其碑者無不

流涕因謂之墮淚碑杜預至鎮簡精銳襲吳西陵督張

政大破之政吳之名將也耻以無備取敗不以實告吳

主預欲間之

間古覓翻

乃表還其所獲吳主果召政還遣武

昌監留憲代之

吳之邊鎮有督有監督者督諸軍事之職監者監諸軍事之職

十二

月丁未朗陵公何曾卒曾厚自奉養過於人主司隸校

尉東萊劉毅數劾奏曾侈汰無度

數所角翻

帝以其重臣不

問及卒博士新興秦秀議曰

秀新興雲中人朗之子也

曾驕奢過度

名被九域

九域九州之域被皮義翻

宰相大臣人之表儀若生極其

情死又無貶王公貴人復何畏哉謹按諡灋

諡法始於周公以行

為諡復扶又翻

名與實爽曰繆怙亂肆行曰醜宜諡醜繆公帝

策諡曰孝

策諡者不用博士議以詔策賜諡

前司隸校尉傳玄卒

異曰考

玄傳曰五年遷太僕轉司隸景獻皇后崩坐爭位罵尚書免尋卒按景獻后崩在四年玄傳誤也

玄性

峻急每有奏劾或值日暮捧白簡整簪帶

文選任昉彈曹景宗曰謹

奉白簡以聞呂向注云簡略狀也晉志曰古者執笏有事則書之故常簪筆今之白筆是其遺意三臺五省二品文官簪之帶革帶也古之鞶帶効戶梁翻又戶得翻 踈踊不寐坐而待旦由是

貴游震懾

周官師氏凡國之貴游子弟學焉注云貴游子弟王公之子弟游無官司者懾之涉翻

臺閣生風玄與尚書左丞博陵崔洪善

漢安帝分安平置博陵國

洪

亦清厲骨鯁好面折人過

好呼到翻折之舌翻

而退無後言人以

是重之

鮮卑樹機能久為邊患

秦始六年樹機能為寇至是九年矣僕

射李憺請發兵討之朝議皆以為出兵重事虜不足憂

朝直進  
翻下同

五年春正月樹機能攻陷涼州

涼州治武威

帝甚悔之臨朝

而歎曰誰能為我討此虜者

為于偽翻

司馬督馬隆進曰陛

下能任臣臣能平之帝曰必能平賊何為不任顧方略

何如耳隆曰臣願募勇士三千人無問所從來

應募者或出於

農畝或出於營伍或出於遁逃或出於奴隸皆不問其所從來也

帥之以西虜不足平

也

帥讀曰率

帝許之乙丑以隆為討虜護軍武威太守公卿

皆曰見兵已多不宜橫設賞募

見賢通翻橫戶孟翻

隆小將妄言

將即亮翻

不足信也帝不聽隆募能引弓四鈞挽弩九石者

取之

三十斤為鈞四鈞為石石百二十斤

立標簡試

標在

自旦至日中得

三千五百人隆曰足矣又請自至武庫選仗武庫令與

隆忿爭

晉志武庫令屬衛尉

御史中丞劾奏隆

自東漢至魏晉以中丞為御史臺主

効戶縣翻又戶得翻

隆曰臣當畢命戰場武庫令乃給以魏時朽

仗非陛下所以使臣之意也帝命惟隆所取仍給三年

軍資而遣之初南單于呼厨泉以兄於扶羅子豹為

左賢王及魏武帝分匈奴為五部

五部見上卷秦始皇六年

以豹為

左部帥

帥所翻

豹子淵幼而雋異師事上黨崔游博習經

史嘗謂同門生上黨朱紀雁門范隆曰吾常耻隨陸無

武絳灌無文隨陸遇高帝而不能建封侯之業絳灌遇

文帝而不能興庠序之教豈不惜哉

隨陸高何陸賈絳灌絳侯周勃灌將

軍於是兼學武事及長

長知

後臂善射膂力過人姿貌

魁偉為任子在洛陽王渾及子濟皆重之屢薦於帝帝

召與語悅之濟曰淵有文武長才陛下任以東南之事

吳不足平也孔恂楊珧曰非我族類其心必異

左傳魯季文子

曰史佚之志有之非我族類其心必異

珧余招翻淵才器誠少比然不可重任

也少詩及涼州覆沒帝問將於李憲對曰陛下誠能發

匈奴五部之衆假劉淵一將軍之號使將之而西樹機

能之首可指日而梟也使將即亮翻孔恂曰淵果梟樹

機能則涼州之患方更深耳帝乃止東萊王彌家世二

千石世語曰彌魏玄菟太守王頎之孫彌有學術勇略善騎射青州人

謂之飛豹處士陳留董養見而謂之曰君好亂樂禍若

天下有事不作士大夫矣言將為賊也處昌呂淵與彌

友善謂彌曰王李以鄉曲見知王渾大原人李憲上每

相稱薦適足為吾患耳因獻欬流涕

獻音虛欬音希又吁既翻

齊王

攸聞之言於帝曰陛下不除劉淵臣恐并州不得久安

王渾曰大晉方以信懷殊俗奈何以無形之疑殺人侍

子乎何德度之不弘也帝曰渾言是也會豹卒以淵代

為左部帥

劉淵事始此史言晉將有亂帥所類翻

夏四月大赦除部

曲督以下質任

帝受禪之初除部曲將質任今又除部曲督質任質音致

吳桂林

太守修允卒

桂林漢除屬鬱林郡吳主皓鳳凰三年分立桂林郡

其部曲應分給

諸將督將郭馬何典王族等累世舊軍不樂離別會吳



主料實廣州戶口

將即亮翻樂音洛料音聊

馬等因民心不安聚衆

攻殺廣州督虞授馬自號都督交廣二州諸軍事使典

攻蒼梧族攻始興

吳主皓甘露元年分桂陽南部都尉立始興郡

秋八月吳以

軍師張悌為丞相牛渚都督何植為司徒執金吾滕修

為司空未拜更以修為廣州牧帥萬人從東道討郭馬

帥讀曰率

馬殺南海太守劉略逐廣州刺史徐旗吳主又遣

徐陵督陶濬將七千人

徐陵與洞浦對岸吳主權時呂範洞浦之敗魏賊霸度江攻徐

陵全瓌徐威擊却之又華覈封徐陵亭侯則徐陵蓋亭名吳以其臨江津置督守之南徐州記曰京口先為徐

陵其地蓋丹徒縣之西鄉京口里也從西道與交州牧陶璜共擊馬吳

有鬼目菜生工人黃耆家有買菜生工人吳平家

吳志曰鬼

目菜依緣棗樹長丈餘莖廣四寸厚三分買菜高四尺厚二分如枇杷形莖廣尺八寸下莖廣五寸兩邊生葉

綠色東觀案圖書

吳有東觀令觀古玩翻

名鬼目曰芝草買菜曰平

慮草吳主以耆為侍芝郎平為平慮郎皆銀印青綬

以漢

制言之銀印青綬中二千石服之

吳主每宴羣臣咸令沈醉

沈持林翻

又置

黃門郎十人為司過宴罷之後各奏其闕失迂視謬言

罔有不舉

沈持林翻迂五故翻逆也

大者即加刑戮小者記錄為罪

或剥人面或鑿人眼由是上下離心莫為盡力偽翻益

州刺史王濬上疏曰孫皓荒淫凶逆宜速征伐若一旦

皓死更立賢主則疆敵也衡翻臣作船七年泰始八年濬始作船

至是蓋七期年矣日有朽敗臣年七十死亡無日三者一乖則

難圖也誠願陛下無失事機帝於是決意伐吳會安東

將軍王渾表孫皓欲北上上時邊戍皆戒嚴朝廷乃更

議明年出師王濬參軍何攀奉使在洛上疏稱皓必不

敢出宜因戒嚴掩取甚易易以杜預上表曰自閏月以

來

是年閏七月

賊但救嚴下無兵上

吳自建業寇淮襄皆自下沂江而上上時掌翻

以理執推之賊之窮計力不兩完必保復口以東以延

視息

凡人目不能視氣不能息則赫然死人矣

無緣多兵西上空其國都而

陛下過聽便用委棄大計縱敵患生誠可惜也嚮使舉

而有敗勿舉可也今事為之制務從完牢若或有成則

開太平之基不成不過費損日月之間何惜而不一試

之若當須後年

須待也

天時人事不得如常臣恐其更難

也今有萬安之舉無傾敗之慮臣心實了

了決也

不敢以

曖昧之見自取後累

曖昧不明也  
累力瑞翻

惟陛下察之旬月末

報預復上表曰

又復扶翻

羊祜不先博謀於朝臣

朝直逢翻

而密

與陛下共施此計故益令朝臣多異同之議凡事當以

利害相校今此舉之利十有八九而其害一二止於無

功耳必使朝臣言破敗之形亦不可得直是計不出已

功不在身各耻其前言之失而固守之也

此言指出賈充荀勗馮純

等肺

自頃朝廷事無大小異意鋒起雖人心不同亦由

恃恩不慮後患故輕相異同也自秋已來討賊之形頗

露今若中止孫皓或怖而生計

怖普布翻

徙都武昌更完修

江南諸城遠其居民城不可攻野無所掠則明年之計

或無所及矣帝方與張華圍碁

博物志曰堯造圍碁以教子丹朱或曰舜以子

商均愚故作圍碁以教之其法非智莫能也

預表適至華推枰歛手曰

推吐雷翻

枰音平碁局也

陛下聖武國富兵彊吳主淫虐誅殺賢能當今

討之可不勞而定願勿以為疑帝乃許之以華為度支

尚書量計運漕

度徒洛翻量音良

賈充荀勗馮統固爭之

統吐威翻

帝大怒充免冠謝罪僕射山濤退而告人曰自非聖人

外寧必有內憂

左傳晉大夫  
范文子之言

今釋吳為外懼豈非筭乎

山濤身為大臣不昌言於朝而  
退以告人蓋求合於費充者也

冬十一月大舉伐吳遣

鎮軍將軍琅邪王伷出涂中

伷音胄吳主權作堂邑涂  
塘即其地蓋從今滁州取

真州路涂  
讀曰滁

安東將軍王渾出江西

今和州出  
橫江渡路

建威將軍

王戎出武昌平南將軍胡奮出夏口鎮南大將軍杜預

出江陵龍驤將軍王濬巴東監軍魯國唐彬下巴蜀

監古

銜

東西凡二十餘萬命賈充為使持節假黃鉞大都督

魏文帝以曹真都督中外諸軍事假黃鉞明帝大和四  
年司馬懿征蜀加號大都督此仍魏制也武王伐紂左

杖黃鉞黃鉞天子之器非人臣所得專用故曰假使疏吏翻以冠軍將軍楊濟副之

冠古充固陳伐吳不利且自言衰老不堪元帥之任帥讀

從所類翻詔曰君若不行吾便自出充不得已乃受節鉞將

中軍南屯襄陽為諸軍節度馬隆西度溫水武威之東有溫

園水樹機能等以衆數萬據險拒之隆以山路陘隘乃作

扁箱車輿與狹同車箱扁則可行狹路扁補輿翻為木屋施於車上木屋所以蔽風

雨捍矢石轉戰而前行千餘里殺傷甚衆考異曰隆傳曰或夾道累磁石賊

被鐵鎧行不得前隆卒悉被屏甲無所留礙賊以為神按此說太誕恐不可信余謂磁石脅鐵鎧誠有此理



自隆之西音問斷絕朝廷憂之或謂已沒後隆使夜到

使疏  
吏翻

帝撫掌歡笑詰朝召羣臣謂曰若從諸卿言無涼

州矣

詰去吉翻  
朝如字

乃詔假隆節拜宣威將軍

沈約志魏置  
將軍四十號

宣威  
第二

隆至武威鮮卑大人猝跋韓且萬能帥萬餘落來

降

且子閭翻帥讀  
曰率降戶江翻

十二月隆與樹機能大戰斬之涼州

遂平

詔問朝臣以政之損益司徒左長史傅咸上書

晉志司徒加置左右長  
史各一人朝直遙翻

以為公私不足由設官太多舊

都督有四今并監軍乃盈於十

魏初置都督諸軍東南  
以備吳西以衛蜀北以

備胡隨其資望輕重而加以征鎮安平之號有四而已其後增置有都督鄴城守諸軍都督秦雍涼諸軍都督梁益諸軍都督荊州諸軍都督揚州諸軍都督徐州諸軍都督淮北諸軍都督豫州諸軍都督幽州諸軍都督并州諸軍凡十其禹分九州今之刺史幾向一倍時有司豫資輕者為監軍

徐兖荆揚梁益寧交秦雍涼冀戶口比漢十分之一漢元

始之初民戶千三百二十三萬三千六百一十二口五千九百一十九萬四千九百七十八漢之極盛也桓帝之初戶二千六百七萬九百六十五千六萬六千八百五十六魏既并蜀景元四年與蜀通計民戶九十四萬三千四百二十三口五百三十七萬二千八百九十一蓋口猶及漢十分之一而戶則未幾及也而置

郡縣更多虛立軍府動有百數而無益宿衛五等諸侯

坐置官屬

軍府謂驃騎車騎衛伏波撫軍都護鎮軍中軍典軍上軍撫國領軍護軍左右衛驍騎游

擊左右前後軍及雜號將軍也五等諸侯官屬王置傳友文學郎中令中尉大農左右常侍侍郎典書典祠典衛學官等令典書丞治書中尉司馬世子庶子陵廟收長謁者中大夫舍人典府公侯以下置官屬隨國小大

無定制

諸所廩給皆出百姓此其所以困乏者也當今之

急在於并官息役上下務農而已咸玄之子也時又議

省州郡縣半吏以赴農功中書監荀勗以為省吏不如

省官省官不如省事省事不如清心昔蕭曹相漢載其

清靜民以寧一

事見十三卷漢惠帝二年

所謂清心也抑浮說簡文

案略細苛宥小失有好變常以徼利者必行其誅所謂

省事也

好呼倒翻徼一遙翻

以九寺併尚書蘭臺付三府所謂省

官也

九寺謂九卿寺也漢初九卿各有所掌東都以後尚書諸曹分掌衆軍九卿殆為具官故欲併之尚

書蘭臺御史臺也三府三公府也漢丞相有長史司直御史大夫有中丞侍御史掌察舉非法故勗欲以蘭臺

付之

三府若直作大例凡天下之吏皆減其半恐文武衆官

郡國職業劇易不同

易以鼓翻

不可以一槩施之若有曠闕

皆須更復或激而滋繁亦不可不重也

資治通鑑卷八十